



日知錄
文庫印

七言律詩叙目 凡九卷

明新寧高棟編集 山陽牛斗校刻



第一卷

正始

杜審言 三

沈佺期 十

宋之問

蘇環 一

韋元旦 二

宗楚客 一

盧藏用 二

李嶠 二

趙彥昭 三

李適 三

劉憲 一

岑義 一

徐彥伯 一

馬懷素 二

鄭愔 二

蘇頲 八

張說 五

賈魯 一

武平一 一 李邕 一 蔡希周 一

張九齡 一 孫逖 一

七言律詩又五言八句之變也在唐以前沈君攸七言儷句已似律體唐初始專此體沈宋等精巧相尚開元初蘇張之流盛矣然而亦多君臣遊倖倡和之什通得二十三人共詩五十七首為七言近體之始

第二卷

正宗

崔顥 二 李白 六 賈至 三

王維 三十一 李愷 一 李頎 七

祖咏 一 崔署 一 孟浩然 二

萬楚 一 張謂 二 高適 四

岑參 八 王昌齡 一

盛唐作者雖不多而聲調最遠品格最高若崔顥律非雅純太白首推其黃鶴之作後至鳳凰而彷彿焉又如賈至王維岑參早朝倡和之什當時各極其妙王之衆作尤勝諸人至於李頎高適當與並驅未論先後是皆足為萬世程法通得十四人共詩五十二首為

正宗

第三卷

大家

杜甫三十

少陵七言律法獨異諸家而篇什亦盛如秋興等作前輩謂其大體渾雄富麗小家數不可髣髴耳今擇其三十七首為大家

第四卷

羽翼

錢起

九

劉長卿二

天寶以還錢起劉長卿並鳴于時與前諸實相羽翼品格亦近似至其賦詠之多自得之妙或有過焉今合二家詩三十九首為羽翼

第五卷

接武上

韋應物四

皇甫冉九

皇甫曾四

李嘉祐九

劉方平二

郎士元五

韓翃九

盧綸五

司空曙七

李端三

秦系二

竇叔向

張志和一
嚴維一
崔峒四
耿緯三
張繼一
張南史一
于鵠二

第六卷

接武下

李益三
朱灣三
權德輿四
戴叔倫三
張濯
楊巨源九
武元衡二
劉禹錫二
柳宗元二
韓愈二
陳羽二
張籍二
王建二
白居易二
元稹二

殷堯蕃一
賈島三
姚合五
王初一
李紳四
周賀二

中唐來作者漸多如韋應物皇甫伯仲以及
乎大曆才子諸人相與接跡而起者篇什雖
盛而氣或不建貞元後李益權德輿楊巨源
戴叔倫劉禹錫之流憲章祖述再盛於元和
間尚可以繼盛時諸家賈島姚合後出格力
猶有一二可取今分為二卷以韋應物皇甫
伯仲與乎大曆諸賢凡十九人共詩七十三
首為上卷又自李益而下以盡乎元和諸人

得二十一人共詩五十九首為下卷

第七卷

正變

李商隱 計 許渾 計 劉滄 九

元和後律體屢變其間有卓然成家者皆自鳴所長若李商隱之長於咏史許渾劉滄之長於懷古此其著也今觀羲山之隋宮馬嵬籌筆驛錦瑟等篇其造意幽深律切精密有出常情之外者用晦之凌敲臺洛陽城驪山金陵諸篇與乎蘊靈之長洲咸陽鄴都等作

其今古廢興山河陳跡凄凉感慨之意讀之可為一倡而三嘆矣三子者雖不足以鳴乎大雅之音亦變風之得其正者矣今合其詩凡四十九首為正變

第八卷

餘響 一

杜牧 五 薛逢 一 趙嘏 九

李遠 一 劉得仁 一 姚鵠 三

項斯 一 温庭筠 八 雍陶 一

司馬禮 一 李頻 三 杜荀鶴 一

李郢 五 李群玉 二 陸龜蒙 一

崔珏 一 李山甫 二 張喬 一

唐彥謙 三 羅隱 三 羅鄴 三

高駢 一 方干 三 來鵬 一

第九卷

餘響 二

崔魯 三 崔塗 一 鄭谷 三

韓偓 二 胡曾 一 曹松 二

吳融 五 韋莊 七 張泌 四

康匡圖

傍流 附

有姓氏無字里世次可考者七人

盧宗回 一 許玫 一 蘇廣文 一

陳標 二 譚用之 一 胡宿 四

韓喜 一

姓氏疑誤者二人

僧處壹 一 即仕元 一

羽士一人

曹唐 一十

衲子七人

皎然

六

靈一

三

靈澈

一

清江

三

法振

一

廣宣

一

曇域

一

閨秀一人

鮑君徽

一

排律附

崔融

一

僧清江

一

王建

一

温庭筠

一

唐末作者雖衆而格力無足取焉故自太和至干五代通得三十四人略其詩之精者共

八十八首為餘響並係傍流及排律等詩凡

二十一人詩四十五首通前離為兩卷

七言律詩叙目終

七言律詩卷之一

唐詩品彙卷八十二

明新寧高棟編集陽生校刻

正始

杜審言

大酺

毗陵震澤九州通
士女歡娛萬國同
伐鼓撞鍾驚海
上新粧袿服照江
東梅花落處疑殘
雪柳葉開時任
好風火德雲官逢
道泰天長地久屬
年豐

守歲侍燕應制

季冬除夜接新年
帝子王臣捧御筵
宮闕星河低拂

樹殿庭燈燭上薰天彈弦奏節梅風入對局探鈎栢
酒傳欲向正元歌萬壽暫留歡賞寄春前

春日京中有懷

今年遊寓獨遊身愁思看春不當春上林苑裏花徒
發細柳營前葉漫新公子南橋應盡興將軍西地幾
留賓寄語洛城風日道明年春色倍還人

沈佺期

古意

樂府作
獨不見

盧家少婦鬱金香海燕雙棲玳瑁梁九月寒砧催下
葉十年征戎憶遼陽白狼河北音書斷丹鳳城南秋

夜長誰為含愁獨不見更教明月照流黃

龍池篇

龍池躍龍龍已飛龍德先天天不違池開天漢分黃
道龍向天門入紫薇邸第樓臺多氣色君王鳧鴈有
光輝為報寰中百川水來朝此地莫東歸

興慶池侍宴應制

碧水澄潭映遠空紫雲香駕御微風漢家城闕疑天
上秦地山川似鏡中向浦迴舟萍已綠分林蔽殿槿
初紅古來徒羨橫汾賞今日宸遊聖藻雄

侍宴安樂公主新宅應制

皇家貴主好神仙別業初開雲漢邊山出盡如鳴鳳
嶺池成不讓飲龍川粧樓翠幌教春住舞閣金鋪借
日懸敬從乘輿來此地稱觴獻壽樂鈞天

奉和春初幸太平公主南莊應制

主家山第早春歸御輦春遊繞翠微買地鋪金曾作
埽尋河取石舊支機雲門樹色千花滿竹裏泉聲百
道飛自有神仙鳴鳳曲併將歌舞報恩暉

奉和春早幸望春宮應制

芳郊綠樹散春晴復道離宮煙霧生楊柳千條花欲
綻蒲萐百丈蔓初縈林香酒氣元相入鳥嘯歌聲各

自成定是風光牽宿醉來晨復得幸昆明

奉和立春遊苑迎春

東郊暫轉迎春仗上苑初飛行慶杯風射蛟冰千片
斷氣衝魚鑰九關開林中覓草纔生蕙殿裏爭花併
是梅哥吹銜恩歸路晚棲烏半下鳳城來

從幸香山寺應制

南山奕奕通丹禁北闕峨峨連翠雲嶺上樓臺千地
起城中鍾鼓四天聞旃檀曉閣金輿度鸚鵡晴林采
毳分願以醍醐參聖酒還將祇苑當秋汾

紅樓院應制

唐詩八卷
三十一
紅樓疑見白毫光寺逼宸居福盛唐支遁愛山情湯
切曇摩泛海路空長經聲夜息聞天語炬氣晨飄接
御香誰謂此中難可到自憐深院得徊翔

再入道場紀事應制

南方歸去再生天內殿今年異昔年見闢乾坤新定
位看題日月更高懸行隨香輦登仙路坐近炬煙講
法筵自喜恩深陪侍從兩朝長在聖人前

嵩山石崇侍宴應制

金輿旦下綠雲衢彩殿晴臨碧澗隅溪水泠泠逐行
漏山煙片片引香爐仙人六膳調神鼎玉女三漿捧

帝壺自惜汾陽紆道馬無如太室覽真圖

同杜員外審言過嶺

天長地闊嶺頭分去國離家見白雲洛浦風光何所
似青山瘴癘不堪聞南浮漲海人何處北望衡陽鴈
幾群兩地江山萬餘里何時重謁聖明君

宋之問

奉和春初幸太平公主南莊應制

青門路接鳳凰臺素澹宸遊龍騎來澗草自迎香輦
合岩花應侍御筵開文移北斗成天象酒近南山作
壽杯此日侍臣將石去共歡明主賜金迴

三陽宮石崇侍燕應制 得幽字

離宮秘苑勝瀛洲，別有仙人洞壑幽。
岩邊樹色含風冷，石上泉聲帶雨秋。
鳥向歌筵來是曲，雲依帳殿結為樓。
微臣昔忝方明莊子作方明，御今日還陪八駿遊。

蘇環

興慶池侍燕應制

金闕平明宿霧收，瑤池式燕俯清流。
瑞鳳飛來隨帝輦，祥魚出戲躍王舟。
帷齊綠樹當筵密，蓋轉緗荷接岸浮。
如臨竊比微臣懼，吉濟叨陪聖主遊。

韋元旦

興慶池侍燕應制

滄池潏沕帝城邊，殊勝昆明鑿漢年。
夾岸旌旂疏輦道，中流簫鼓振樓船。
雲峯四起迎宸幄，水樹千重入御筵。
宴樂已深魚藻咏，承恩更欲奏甘泉。

幸安樂公主山莊應制

銀河南渚帝城隅，帝輦平明出九衢。
刻鳳蟠螭凌桂邸，穿池疊石寫蓬壺。
璫簫暫下鈞天樂，綺綴長懸明月珠。
仙榜承恩爭既醉，方知朝野更歡娛。

宗楚客

奉和幸安樂公主山莊應制

王樓銀榜枕巖城翠蓋紅旂列禁庭日映層岩圖畫
色風搖雜樹管絃聲水邊重閣合飛動雲裏孤峯類
削成幸覩八龍遊閬苑無勞萬里訪蓬瀛

盧藏用

奉和立春遊苑

天遊龍輦駐城闈上苑遲光晚更新瑤臺半入黃山
路玉檻傍臨玄灞津梅香欲待歌前落蘭氣先過酒
上春幸禎栢臺稱獻壽願陪千畝及農辰

奉和幸安樂公主山莊應制

皇女瑤臺天漢濶星橋月宇創山林飛蘿半拂銀題

影瀑布環流玉砌陰菊浦香隨鸚鵡泛簫樓韻逐鳳
凰吟瑤池駐蹕思方久璧月無文興轉深

李嶠

奉和初春幸太平公主南莊應制

主家山第接雲開天子春遊動地來羽騎參差花外
轉霓旌搖曳日邊迴還將石榴調琴曲更取峰霞入
酒杯鶯輅已辭烏鵲渚簫聲猶繞鳳凰臺

太平公主山亭侍燕

黃金瑞榜絳河隈白玉仙輿紫禁來碧樹青岑雲外
聳朱樓畫壁水中開龍舟下瞰鮫人室羽節高臨鳳

女臺遽惜歡娛歌吹曉揮戈更却曜靈回

趙彥昭

侍燕安樂公主新宅應制

六龍齊軫御朝曦雙鷁維舟下綠池飛觀仰看雲外
聳浮橋直見海中移靈泉巧鑿天孫渚孝筍能抽帝
女枝幸願一生同草樹年年歲歲樂於斯

人日侍燕大明宮

寶契無爲屬聖人瑤輿出幸玩芳辰平樓半入南山
霧飛閣旁臨東墅春夾路穠花千樹發垂軒弱柳萬
條新處處風光今日好年年願奉屬車塵

奉和初表幸太平公主南莊應制

土第岩扃架鵲橋天門闔闔降鸞鑣歷亂旌旂轉雲
樹參差臺榭入煙霄林間花雜平陽舞谷裏鶯和弄
玉簫已陪泌水追歡日行奉茅山訪道朝

李適

中宗皇帝幸興慶池戲競渡應制

錦露金輿丹旆轉凌晨黼帳碧池開南山倒影從雲
落北澗搖光寫浪迴急剡爭磯排行度輕帆截浦觸
荷來橫汾燕鎬歡無極謠舞年年聖壽林

奉和立春遊苑迎春

金輿玉輦迎嘉節御苑仙宮待獻春
淑氣初啣梅色淺條風半拂柳牆新
天杯慶壽齊南岳聖藻光輝動北辰
稍覺披香歌吹近龍驂薄暮下城闈

奉和人日燕大明宮恩賜采綵人勝應制

朱城待鳳經年至碧殿疏龍淑氣來
寶帳金屏人已帖
畷花學鳥勝初栽林香近接宜春苑
山翠遙添獻壽杯
向夕憑高風景麗天文垂耀象昭回

劉憲

和立春日內出采花樹

禁苑韶年此日歸東郊道上轉青旂
柳色梅芳何處

所風前雪裏覓芳菲開冰池內魚新躍
剪綵花間燕始飛
欲識玉遊幸陽氣為觀天藻競春輝

岑羲

和立春日內出采花樹

和風助律應韶年清蹕乘高入望仙
花笑鶯歌迎帝輦雲披日霽俯皇川
南山近壓仙樓上北斗平臨魏闕前
一奉恩榮同鎬燕空如率舞聽薰絃

徐彥伯

奉和中宗皇帝幸興慶池戲競渡應制

夾道傳呼翊翠虬天迴地轉御芳洲
青潭曉靄籠仙

躡紅嶼晴花隔采旒香溢金環盈廣坐聲
妓舸匝
中流群臣相慶嘉魚樂共晒橫汾歌吹秋

馬懷素

奉和幸安樂公主山莊應制

主家臺沼勝平陽帝幸歡娛樂未央掩映瑤窓交極
浦參差綉戶繞迴塘泉聲百處傳詩曲樹影千重對
舞行聖酒一沾何以報唯忻頌德奉時康

奉和立春遊苑迎春

玄籥飛灰出洞房青郊迎氣肇初陽仙輿暫下宜春
苑御醴行薦壽觴映水輕苔猶隱綠綠堤弱柳未

舒黃雅有栽花飾簪髮恒隨聖藻狎年光

鄭愔

奉和春日幸望春宮

晨躡凌高轉翠旌春樓望遠背朱城忽排花上遊天
苑却坐雲邊看帝京百草香心初冒蝶千林嫩葉始
藏鶯幸同葵藿傾陽早願比盤根應帝榮

人日侍燕大明宮

瓊殿含光映早輪玉鑾嚴躡望初晨池開凍水仙宮
麗樹發寒花禁苑新佳氣徘徊籠細網殘雲浙瀝染
輕塵良時荷澤皆迎勝窮谷晞易猶未春

蘇頲

侍燕安樂公主新宅應制

駸駸羽騎歷城池帝女樓臺向晚披
露洒旌旗雲外出風迴岩岫雨中移
當軒半落天河水遶逕全低月
樹枝簫鼓宸遊陪宴日和鳴雙鳳喜來儀

奉和春日幸望春宮應制

東望望春春可憐更逢晴日柳含煙
宮中下見南山盡城上平臨北斗懸
劉云壯細草偏承迴輦處飛花故
落舞觴前宸遊對此歡無極
鳥弄歌聲雜管弦

廣遠樓下夜侍醮燕應制

東岳封迴燕洛京西墉通晚會
公卿樓臺絕勝宜春苑燈火還同不夜
正覩人間朝市樂忽聞天上管絃聲
醮來萬舞群臣醉喜戴千年聖主明

扈從鄆杜間奉呈刑部尚書

男崔黃門馬常侍

翠輦紅旗出帝京長楊鄆杜昔知名
雲山一一看皆美竹樹蕭蕭畫不成
羽騎將過持袂拂香車欲度捲簾行
漢家曾草巡遊賦何似今來應聖明

人日燕大明宮賜采縷人勝應制

疏龍磴道切昭回建鳳旗門遶帝臺
七葉仙萸承月吐千株御柳拂烟開
初年競帖宜春勝長命先添獻

唐詩八十二卷
壽杯是日

靈知竊幸群心能捧大明來

興慶池侍燕應制

降鶴池前迴步輦樓臺樹杪出行宮山光積翠遙疑
逼水態含青近若空直視天河垂象外俯窺京室盡
圖中皇情未使恩波極日暮樓船更起風

奉和初春幸太平公主南莊應制

主第山門起灞川宸遊風景入初年鳳凰樓下文天
仗烏鵲橋頭敞御筵往往花間逢綵石時時竹裏見
紅泉今朝扈蹕平陽館不羨乘槎雲漢邊

春晚紫微省直寄內

直省清華接建章向來無事日猶長花間燕子棲鳩
鵲竹下鸚鵡繞鳳凰內史通宵承紫誥中人落晚愛
紅妝別離不慣無窮憶莫誤卿卿學太常

張說

三月三日承恩遊宴定昆池官莊得筵字

鳳凰樓下帶天泉鸚鵡洲中雜管絃舊試平陽佳麗
地今逢上巳盛明年舟將水動千尋日暮共林橫兩
岸烟不降王人觀楔飲誰今醉舞拂賓筵

奉和春日幸望春宮

別館芳菲上苑東飛花淡蕩御筵紅城臨渭水天河

唐詩八卷
靜闕對南山雨露通遠殿流鶯凡幾樹當磯亂蝶許
多叢春園旣醉心和樂共識皇恩造化同

幽州新歲作

去歲荆南梅似雪今年薊北雪如梅共知人事何嘗
定且喜年華去復來邊鎮成歌連日動京城燎火徹
明開遙遙西向長安日願上南山壽一杯

滄湖山寺

空山寂歷道心生虛谷迢遙野鳥聲禪室從來雲外
賞香臺豈是世中情雲間東嶺千重出樹裏南湖一
片明若使巢由同此意不將蘿薜易簪纓

遙同蔡起居偃松篇

清都衆木總榮芬傳道孤松寂出群名接天庭多景
色氣連官闕借氛氲懸池的的停華露偃蓋重重拂
瑞雲不惜流膏助仙鼎願將植榦捧明君

賈會

奉和春日出苑臨日應令

銅龍曉闕問安迴金輅春遊博望開渭水晴光搖草
樹終南佳氣入樓臺招賢已從商山老托乘還徵鄴
下才臣在東周獨留滯忻逢睿藻日邊來

武平一

奉和立春日內出花樹

鑾輅青旂下帝臺東郊上苑望春來黃鶯未解林間
轉紅蕊先從殿裏開畫閣條風初變柳銀塘曲水半
含苔欣逢春藻光韶律更促霞觴畏景催

李邕

奉和初春幸太平公主南莊應制

傳聞銀漢支機石復見金輿出紫微織女橋邊烏鵲
起仙人樓上鳳凰飛流風入座飄歌扇瀑水當階濺
舞衣今日還同犯牛斗乘槎共泛海潮歸

蔡希周

奉和扈從溫泉宮承恩賜浴

天行雲從指驪宮浴日餘波錫詔同采殿氤氳擁香
溜紗窓宛轉閉和風來將蘭氣衝皇澤去引星文捧
碧空自憐遇坎便能止凡託仙查路未通

張九齡

奉和聖製早發三卿山行

羽衛森森西向秦山川歷歷在清晨晴雲稍卷寒巖
樹宿雨能消御路塵聖德由來合天道靈符即此應
時巡遺賢一一皆羈致猶欲高深訪隱淪

孫逖

和左司張員外自洛使入京中路先赴長

安逢立春日贈韋侍御及諸公

忽覩雲間數鴈迴更逢山上一花開河邊淑氣迎芳
草林下輕風待落梅秋憲府中高唱入春卿署裏和
歌來共言東閣招賢地自有西征作賦才

七言律詩卷之一

唐詩品彙八十二

七言律詩卷之二

唐詩品彙八十三

明新堂高棟編集陽生本校刻

正宗

崔顥

黃鶴樓巖滄浪云唐人七言律詩當以崔顥黃鶴樓為第一

昔人已乘白雲去此地空餘黃鶴樓黃鶴一去不復

返白雲千載空悠悠晴川歷歷漢陽樹芳草萋萋鸚

鵡洲日暮鄉關何處是煙波江上使人愁劉後村云古人服善

李白登黃鶴樓有眼前有景道不得崔顥題詩在上頭之句至金陵乃作鳳凰臺以擬之今觀二詩

真敵手碁也。劉須溪云但以滔滔莽莽有疎岩之氣故勝巧思

行經華陰

岩堯太華俯咸京天外三峯削不成武帝祠前雲欲散
仙人掌上雨初晴河山北枕秦關險驛路西連漢
時平借問路傍名利客無如此處學長生

李白

登金陵鳳凰臺

范德機云登臨詩首尾好結更悲壯七言律之可法

也者

鳳凰臺上鳳凰遊鳳去臺空江自流吳宮花草埋幽
徑晉代衣冠成古丘三山半落青天外二水中分白
鷺洲揔為浮雲能蔽日長安不見使人愁劉須溪云其開口雄

偉落凋飾俱不論若無後兩句亦不必作出於崔顥而時勝之以此云

送賀監歸四明應制

父辭榮祿遂初衣曾向長生說息機真訣自從茅氏
得恩波應許洞庭歸瑤臺含霧星辰滿仙嶠浮雲島
嶼微借問欲栖珠樹鶴何年却向帝城飛

別中都兄明府

吾兄詩酒繼陶君試宰中都天下聞東樓喜奉連枝
會南陌愁為落葉分城隅綠水明秋日海上青山隔
暮雲取醉不辭留夜月鴈行中斷惜離群

題東溪公幽居

唐詩卷之三
杜陵賢人清且庶東溪十築歲將淹宅近青山同謝
眺門垂碧柳似陶潛好鳥迎春歌院後飛花送酒舞
前簷客到但知留一醉盤中祇有水精盃劉須溪云律穩麗意濃

鸚鵡洲

鸚鵡來過吳江水江上洲傳鸚鵡名鸚鵡西飛隴山
去芳洲之樹何青青煙開蘭葉香風起岸夾堯花錦
浪生遷客此時徒極目長洲孤月向誰明劉須溪云猶是鳳臺

餘韻情景覺稱
勝此以正平吊止平者

題雍丘崔明府丹竈

美人為政本忘機服藥求仙事不違葉縣已泥丹竈
畢瀛洲當伴赤松歸先師有訣神將助大聖無心火
自飛九轉但能生羽翼雙鳧忽去定何依

賈至

早朝大明宮呈兩省僚友

銀燭朝天紫陌長禁城春色曉蒼蒼千條弱柳垂青
鎖百轉流鶯遶建章劍佩聲隨玉墀步衣冠身惹御
爐香共沐恩波鳳池上朝朝染翰侍君王

王維

和賈至舍人早朝大明宮之作

唐詩卷之三
絳幘雞人報曉籌尚衣方進翠雲裘九天閭闔開宮殿萬國衣冠拜冕旒劉須溪云子日色終臨仙掌動香煙欲傍衮龍浮朝罷須裁五色詔珮聲歸到鳳池頭

和太常韋主簿五郎溫泉寓目

漢上離宮接露臺秦川一半夕陽開青山盡是朱旗
縹碧澗翻從玉殿來新豐樹裏行人度小苑城邊獵
騎回聞道甘泉能敵賦懸知獨有子雲才

大同殿生玉芝龍池上有慶雲百官共覩
聖恩便賜燕樂敢書即事

飲笑周文訝燕鎬還輕漢武樂橫汾豈知玉殿生三
秀詎有銅池出五雲陌上堯尊傾北斗樓前舜樂動
南薰共歡天意同人意萬歲千秋奉聖君

奉和聖製從蓬萊向興慶閣道中留春雨
中春望之作應制

渭水自滌秦塞北黃山舊遶漢宮斜
金輿迴出千門柳閣道迴看上苑花
雲裏帝城雙鳳闕雨中春樹萬人家
為乘陽氣行時令不是宸遊玩物華

李愷

奉和聖製從蓬萊向興慶閣道中留春雨

中春望之作應制

別館春還淑氣催
三官路轉鳳凰臺
雲飛北闕輕陰散
雨歇南山積翠來
御柳遙隨天仗發
林花不待曉風開
已知聖澤深無限
更喜年芳入睿才

勅賜百官櫻朶

時為文
郎中

芙蓉闕下會千官
紫禁朱櫻出上闌
蕊是寢園春薦後
非閑御苑鳥嘶殘
布鞍競帶青絲籠
中使頻傾赤玉盤
飽食不須愁內熱
大官還有廣漿

勅借岐王九成宮避暑應制

帝子遠辭丹鳳闕
天書遙借翠微宮
隔窓雲霧生衣

上卷幔山泉入鏡中
林下水聲喧笑語
岩前樹色隱房櫳
仙家未必能勝此
何事吹簫向碧空

酌酒與裴迪

酌酒與君君自寬
人情反覆似波瀾
白首相知猶按劍
朱門先達笑彈冠
草色全經細雨濕
花枝欲動春風寒
世事浮雲何足問
不如高卧且加餐

出塞作

居延城外獵天驕
白草連天野火燒
暮雲空磧時驅馬
秋日平原好射鵰
護羌校尉朝乘障
破虜將軍夜度遼
玉靶角弓珠勒馬
漢家將賜霍嫖姚

唐詩卷之三
五
一
五
訓郭給事

洞門高閣霽餘暉
苑李陰陰柳絮飛
禁裏踈鍾官舍晚
省中啼鳥吏人稀
晨搖玉佩趨金殿
夕奉天書拜鎖闈
強欲從君無那老
將因臥病解朝衣

積雨輞川莊作

積雨空林煙火遲
蒸藜炊黍餉東菑
漠漠水田飛白鷺
陰陰夏木轉黃鸝
劉須溪云馮景白然造意又山中習靜觀
朝槿松下清齋折露葵
野老與人爭席罷
海鷗何事更相疑

春日與裴迪過新昌里訪呂逸人不遇

奔源面面絕風塵
柳市南頭訪隱淪
到門不敢題凡鳥
看竹何須問主人
城外青山如屋裏
東家流水入西隣
閉戶著書多歲月
種松皆作老龍鱗
劉須溪云青山流水

自

過乘如禪師蕭居士蒿丘蘭若

無着天親弟與兄
蕭丘蘭若一峯晴
食隨鳴磬巢鳥下
行踏空林落葉聲
迸水定侵香案濕
雨花應共石牀平
深洞長松何所有
儼然天竺古先生

送少府貶柳州

明到衡山與洞庭
若為秋月聽猿聲
愁看北渚三湘

客惡說南風五兩輕青草瘴時過夏口白頭浪裏出
湓城長沙不久留才子要誼何須弔屈平

李頎

送魏萬之京

朝聞遊子唱離歌昨夜微霜初度河鴻鴈不堪愁裏
聽雲山况是客中過關城曙色催寒近御苑砧聲向
晚多莫是長安行樂處空令歲月易蹉跎

送司勳盧員外

流澌臘月下河陽草色新年發建章秦地立春傳太
史漢宮題柱憶仙郎鴻欲度千雪侍女新添五

夜香早晚薦雄文似者故人今已賦長楊

題璿公山池

遠公遁跡廬山岑開山幽居祇樹林片石孤峯窺色
相清池皓月照禪心指揮如意天花落坐卧閑房春
草深此外俗塵都不染惟餘玄度得相尋

寄綦母三

新加大邑綬仍黃單車去洛陽願盼一過丞相
府風流三接令公香南川粳稻花侵縣西嶺雲霞色
滿堂共道進賢蒙上賞看君幾歲作臺郎

送李回

唐詩八十五卷
知君官屬大司農，詔幸驪山職事雄。歲發金錢供御
府，晝看仙液注離宮。千岩曙雪旌門上，十月寒花輦
路中。不覩聲明與文物，自傷留滯去關東。

宿瑩公禪院聞梵

花宮仙梵遠微微，月隱高城鍾漏稀。夜動霜林驚落
葉，曉聞天籟發清機。簫條已入寒空靜，颯沓隨秋
雨。飛始覺浮生無住著，頓令心地欲歸依。

題盧五舊居

物在人亡無見期，閑庭繫馬不勝悲。窓前綠竹生空
地，門外青山似舊時。悵望青天鳴墜葉，嶺岵枯柳宿
寒風。憶君淚落東流水，歲歲花開知為誰。

祖咏

望薊門

燕臺一去客心驚，笙鼓喧喧漢將營。萬里寒光生積
雪，三邊曙色動危旌。沙場烽火侵胡月，海畔雲山擁
薊城。少小雖非投筆吏，論功還欲請長纓。

崔署

九日登仙臺呈劉明

漢文皇帝有高臺，此日登臨曙色開。三晉雲山皆北
向，二陵風雨自東來。關門今尹誰能識，河上仙翁去

唐詩八十三卷
不回且欲近尋彭澤宰陶然共醉菊花杯

孟浩然

登安陽城樓

縣城南面漢江流江嶂開成南雍州才子乘春來騁
望群公暇日坐銷憂樓臺晚映青山郭羅綺晴嬌綠
水洲向夕波搖明月動更疑神女弄珠遊

登萬歲樓

萬歲樓頭望故鄉獨含鄉思更茫茫天寒鴈度堪垂
淚月落猿啼欲斷腸曲引古堤臨凍浦斜分遠岫近
枯楊今朝偶見同袍友却喜家書寄八行

萬楚

五日觀妓

西施謾道浣春紗碧玉今時鬪麗華眉黛奪將萱草
色紅裙妬殺石榴花新歌一曲令人艷醉舞雙眸歛
鬢斜誰道五絲能續命却令今日死君家

張謂

別韋郎中

星軺計日赴岷峨雲樹連天阻笑歌南入洞庭隨鴈
去西過巫峽聽猿多崢嶸洲上飛黃蝶艷瀕堆邊起
白波不醉卽中桑落酒教人無奈別離何

杜侍御送貢物戲贈

銅柱朱崖道路難，伏波橫海舊登壇。
越人自貢珊瑚樹，漢使何勞獬豸冠。
疲馬山中愁日晚，孤舟江上畏春寒。
由來此貨稱難得，多恐君王不忍看。

高適

送前衛縣李案少府

黃鳥翩翩楊柳垂，春風送客使人悲。
怨別自驚千里外，論交却憶十年時。
雲開汶水孤帆遠，路繞梁山疋馬遲。
此地從來可乘興，留君不住益淒其。

送李少府貶峽中王少府貶長沙

嗟君此別意何如，駐馬嘶盃問謫居。
巫峽啼猿數行淚，衡陽歸鴈幾封書。
青楓江上秋天遠，白帝城邊古木疎。
聖代即今多雨露，暫時分手莫躊躇。

同陳留崔司戶早春宴蓬池

同官載酒出郊圻，晴日東馳鴈北飛。
隔岸春雲邀翰墨，傍簷垂柳報芳菲。
池邊轉覺虛無盡，臺上偏宜酪酞歸。
州縣徒勞那可度，後時連騎莫相違。

夜別韋司士

得成字

高館張燈酒復清，夜鍾殘月鴈歸聲。
只言啼鳥堪求侶，無那春風欲送行。
黃河曲裏沙為斫，白馬津邊柳

向城莫怨他鄉暫離別知君到處有逢迎

岑參

和賈至舍人早朝大明宮之作

鷄鳴紫陌曙光寒鶯囀皇州春色闌金闕曉鍾開萬
戶玉階仙仗擁千官花迎劍佩星初落柳拂旌旂露
未乾獨有鳳凰池上客陽春一曲和皆難

和祠郡王員外雪後早朝即事

長安雪後館春歸積素凝華連曙輝色借玉珂迷曉
騎光添銀燭晃朝衣西山落月臨天仗北闕晴雲捧
禁闈聞道仙郎歌白雪由來此曲和人稀

西掖省即事

西掖重雲開曙暉北山踈雨點朝衣千門柳色連青
瑣三殿花香入紫微平明端笏陪駕列薄暮垂鞭信
馬歸官拙自悲頭白盡不如岩下偃荆扉

奉和相公發益州

相國臨戎別帝京擁旄持節遠橫行朝登劍閣雲隨
馬夜度巴江雨洗兵山花萬朶迎征蓋川柳千條拂
去旌暫到蜀城應計日須知明主待持衡

九日使君席奉餞衛中丞赴長水

節使橫行西出師鳴弓櫜甲羽林兒臺上霜威凌草

木軍中殺氣傍旌旗預知漢將宣威日正是胡塵欲滅時為報使君多泛菊更將絃管醉東籬

使君席夜送嚴河南赴長水

嬌歌急管雜青絲銀燭金杯映翠眉使君地主能相送河尹天明坐莫辭春城月出人皆醉野戍花深馬去遲寄聲報爾山翁道今日何南勝昔時

赴嘉州過城固縣尋永安超禪師房

蒲寺枇杷冬着花老僧相見具袈裟漢王城北雪初霽韓信壇西日欲斜門外不須催五馬林中且聽演三車豈料巴川多勝事為君書此報京華

首春渭西郊行呈藍田張二主簿

回風度雨渭城西細草新花踏作泥秦女峯頭雪未盡胡公陂上日初低愁窺白髮羞微祿悔別青山憶舊溪聞道輞川多勝事玉壺春酒正堪携

秋夕讀書幽興獻兵部李侍郎

年紀蹉跎四十強自憐頭白始為郎雨滋苔蘚侵堦綠秋颯梧桐覆井黃驚蟬也解求高樹菰鴈還應厭後行覽卷始穿鄰舍壁明燈何惜借餘光

暮春虢州東亭送李司馬歸扶風別廬

柳躡鶯嬌花復殷紅亭綠酒送君還到來函谷愁中

唐詩八十三卷
月歸去磻溪夢裏山簾前春色應須惜世上浮名好
是閑西望鄉關腸欲斷對君衫袖淚痕斑

王昌齡

萬歲樓

江上巍巍萬歲樓不知經歷幾千秋年年喜見山長
在日日悲看水獨流猥狎何曾離莫嶺鷓鴣空自泛
寒洲誰堪登望雲煙裏向晚茫茫發旅愁

七言律詩卷之二

唐詩品彙八十三

七言律詩卷之三

唐詩品彙八十四

明新寧羅編陽生校刻

大家

杜甫

題張氏隱居

開元二十四年復遊東都作

春山無伴獨相求伐木丁丁山更幽澗道餘寒歷冰
雪石門斜日到林丘不貪夜識金銀氣遠害朝看麋
鹿遊乘興杳然迷出處對君疑是泛虛舟

城西陂泛舟

天寶十三年作

青蛾皓齒在樓船橫笛短簫悲遠天春風自信牙檣

動劉須溪遲日徐看錦纜牽魚吹細浪搖訝扇燕蹴
飛花落舞筵不有小舟能盪漿百壺那送酒如泉

奉和賈至舍人早朝大明宮乾元元年
後作

五夜漏聲催曉箭九重春色醉仙衣旌旗日暖龍蛇

動宮殿風微燕雀高劉云此麗自是若非微字清朝

罷香煙携滿袖詩成珠玉在揮毫欲知世掌絲綸美

池上千有鳳毛

宣政殿退朝晚出左掖

天門日射黃金榜春殿晴曛赤羽旗宮草菲菲承

佩爐煙細細駐遊絲雲近蓬萊常五色雪殘鴻雁

多時劉云住處自在可類侍臣緩步歸青瑣退食從容出每遲

紫宸殿退朝口號

戶外昭容紫袖垂雙瞻御座引朝儀香飄合殿春風

轉花覆千官淑景移劉云書漏稀聞高閣報天顏

有喜近臣知劉云意外意宮中每出歸東省會送夔龍集

鳳池

曲江

一片花飛減却春風飄萬點正愁人且看欲盡花經

眼莫厭傷多酒入唇劉云小縱繩墨最是傾江上小

堂巢翡翠苑邊高塚臥麒麟策之至可以動細推

物理須行樂何用浮名絆此身

方虛谷云起二句絕妙一片花飛且不可

而况於萬點乎五六離亂

曲江對酒

苑外江頭坐不歸水精宮殿轉霏微
堯花細逐楊花落黃鳥時兼白鳥飛
劉云亦自縱飲又拚人共棄懶
朝真與世相違吏情更覺滄洲遠
老大徒悲未拂衣

曲江值雨

城上春雲覆苑墻江亭晚色靜年芳
林花着雨臙脂落水荇牽風翠帶長
龍武新深駐輦芙蓉別殿謾焚香
何時詔此金錢會暫醉佳人錦瑟傍

九日藍田崔氏莊

老去悲秋強自寬興來今日盡君歡
羞將短髮還吹帽笑倩傍人為整冠
藍水遠從千澗落玉山高並兩峰寒
楊誠齋詩話云詩人至此筆力多衰今方且明雄傑擬技喚起
年此會知誰健醉把茱萸仔細看
陳后山詩話云蓋勝絕于美九日詩云羞將短髮還吹帽笑倩傍人為正冠其文雅曠達不減昔人故謂詩非力學可致正須留中度世耳

恨別

乾元年作

洛陽一別四千里胡騎長驅五六年
草木變衰行劍外兵戈阻絕老江邊
思家步月清宵立憶弟看雲白

日眠聞道河陽近乘勝司徒急為破幽燕

蜀相上元元年成都府作

丞相祠堂何處尋錦官城外柏森森映階碧草自春

色隔葉黃鸝空好音三顧頻繁天下計兩朝開濟老

臣心出師未捷身先死長使英雄淚滿襟劉云全首

一淚矣又云寫得使人不忍讀故以為至入云千年遺下此語使人意傷

野老

野老籬前江岫迴柴門不正逐江開漁人網集澄潭

下賈客舟隨返照來劉云句長路關心悲劍閣片雲

何意傍琴臺劉云此等與王師未報收東郡城

秋生畫角哀公自註云

和裴迪登蜀州東亭送客逢早梅相憶見

寄

東閣官梅動詩興還如何遜在揚州此時對雪遙相

憶送客逢春可自由幸不折來傷歲暮若為看去亂

鄉愁劉云亦宛江邊一樹垂垂發朝夕催人自白頭

送韓十四江東省親上元二年作

兵戈不見老萊衣嘆息人間萬事非我已無家尋第

妹君今何處訪庭闈黃牛峽靜灘聲轉白馬江寒樹

影稀此別應須各努力故鄉猶恐未同歸劉云子美

極怨者

野望 實應元年成都府作

西山白雪三城戍南浦清江萬里橋海內風塵諸弟
隔天涯涕淚一身遥唯將遲暮供多病未有涓埃答
聖朝跨馬出郊時極目不堪人事日蕭條

涪城縣香積寺官閣 廣德元年梓州作

寺下春江深不流山腰官閣迥添愁含風翠壁孤雲
細背日丹楓萬木稠小院迴廊春寂寂浴鳧飛鷺晚
悠悠諸天合在藤蘿外昏黑應須到上頭

玉臺觀 滕王造廣德二年潤州作

中天積翠玉臺遙上帝高居絳節朝遂有馮夷來擊
鼓始知羸女善吹蕭江光隱顯鼉鼉窟石勢參差鳥
鵲橋 劉云雖是江境語有神雋 更有紅顏生羽翰便應黃髮老漁

登樓 廣德二年成都作

花近高樓傷客心萬方多難此登臨錦江春色來天
地玉壘浮雲變古今 石林詩話云上言難於氣象雄
之意者自老杜錦江玉壘句中有力而紆餘不失言外
壘之後常恨無復繼者 北極朝廷終不改西山寇盜

莫相侵可憐後主還祠廟日暮聊為梁甫吟 劉云先
主廟中
乃亦有後主此亡國者何足祠徒使人思諸葛梁
父之恨而已梁甫吟亦與廢之感也武侯以之

院中晚晴懷西郭茅舍

廣德三年成都作

幕府秋風日夜清
淡雲踈雨過高
城葉心朱實堪時
落階面青苔先自生
復有樓臺嚼暮景
不勞鍾鼓報新晴
浣花溪裏花饒笑
肯信吾兼吏隱名

宿府

清秋幕府井梧寒
獨宿江城蠟炬殘
永夜角聲悲自語
中天月色好誰看
劉云上風塵荏苒音書絕
關塞蕭條行路難
已忍伶俜十年事
強移棲息一枝安

秋興

大曆元年秋夔州作劉云入詩大體不厭沈雄富麗哀傷無限盡在言外故自數不可彷彿

玉露凋傷楓樹林
巫山巫峽氣蕭森
江間波浪兼天湧
塞上風雲接地陰
叢菊兩開他日淚
劉云此孤舟七字出孤舟一繫故園心
寒衣處處催刀尺
白帝城高急莫砧

二

夔府孤城落日斜
每依南斗望京華
聽猿實下三聲淚
劉云奉使虛隨八月查盡省香爐遣伏枕山樓粉堞隱悲笳
請看石上藤蘿月
已映洲前蘆荻花

三

千家山郭靜朝暉
日日江樓坐翠微
信宿漁人還汎汎
劉云汎汎無所得也清秋燕子故飛飛
匡衡抗疏功名薄
劉

唐詩公四卷
向傳經心事違劉云既前後不相涉只用二人名同亦莫知其意之所在落落自可
學少年多不賤五陵衣馬自輕肥

四

聞道長安似奕碁百年世事不勝悲王侯第宅皆新
主文武衣冠異昔時直北關山金鼓振征西車馬羽
書遲魚龍寂寞秋江冷故國平居有所思

五

蓬萊宮闕對南山承露金莖霄漢間西望瑤池降王
母東來紫氣滿函關劉云律句有自覺雄渾雲移雉尾開宮扇
日繞龍鱗識聖顏一卧滄江驚歲晚幾回青瑣點朝

班

六

昆明池水漢時功武帝旌旗在眼中織女機絲虛夜
月石鯨鱗甲動秋風波漂菰米沉雲黑露冷蓮房墜
粉紅關塞極天唯鳥道江湖滿地一漁翁

七

瞿塘峽口曲江頭萬里風烟接素秋花萼夾城通御
氣芙蓉小花入邊愁劉云兩句寫幸蜀之怨故京之思不分遠近如將見其實焉
珠簾綉柱圍黃鵠錦纜牙檣起白鷗劉云對句耳迴不足為雅麗
首可憐歌舞地秦中自古帝王州

昆吾御宿自逶迤紫閣峰陰入漢陂香稻啄餘鸚鵡
粒碧梧棲老鳳凰枝劉云語有悲既可佳人拾翠春相問仙
侶同舟晚更移劉云甚有風韻春字又勝綵筆昔曾干氣象白頭
吟望苦低垂

吹笛

吹笛秋山風月清誰家巧作斷腸聲風飄律呂相和
切月傍關山幾處明胡騎中宵堪北走武陵一曲想
南征故園楊柳今搖落何得愁中却盡生方虛谷云慷慨悲怨

自是一
種風味

夜

露下天高秋水清空山獨夜旅魂驚踈燈自照孤帆
宿新月猶懸雙杵鳴南菊再逢人卧病北書不至鴈
無情步蟾倚杖看牛斗銀漢逢應接鳳城

詠懷古跡

群山萬壑赴荆門生長明妃尚有村劉云起一去紫
臺連朔漠獨留青塚向黃昏畫圖省識春風面環珮
空歸月夜覓千載琵琶作胡語分明怨恨曲中論

又

諸葛大名垂宇宙宗臣遺像肅清高三分割據紆籌

策萬古雲霄一羽毛伯仲之間見伊呂指揮若定失
蕭曹劉云兩語氣槩別是掩上句之劣運移漢祚終
難復志决身殲軍務勞

閣夜天曆元年冬夔州作

歲暮陰陽催短景天涯霜雪霽寒宵五更鼓角聲悲
壯三峽星河影動搖野哭千家聞戰伐夷歌幾處起
漁樵卧龍躍馬終黄土人事音書謾寂寥劉云第三四句對看自是無窮俯仰之悲

返照大曆三年夏夔州作

楚王宮北正黃昏白帝城西過雨夜返照入江翻石

壁歸雲擁樹失山村劉云字字着意衰年肺病唯高枕絕塞

愁時早閉門不可久留豺虎地南方實有未招魂劉云

語不輕易感恨更多

九日登高大曆二年秋夔州作

風急天高猿嘯哀渚清沙白鳥飛迴無邊落木蕭蕭
下不盡長江滾滾來劉云句自雄暢萬里悲秋常作客百年
多病獨登臺艱難苦恨繁霜鬢潦倒新停濁酒杯劉云

結復鄭重

送李秘書赴杜相公墓

青簾白舫益州來巫峽秋濤天地迴石出倒聽楓葉

下櫓搖背指菊花開劉云兩句皆目擊自然而貪趨險易天出極舟行之妙也

相府今晨發恐失佳期後命催南極一星朝北斗五

雲多處是三台

小寒食舟中作大曆五年漳州作

佳晨強飲食猶寒隱几蕭條戴鶻冠春水船如天上

坐老年花似霧中看劉云意雖索始戲蝶過閑幔

片片輕鷗下急湍雲白山青萬餘里愁看直北是長

安范元實詩眼云沈佺期詩雲白山青千萬里幾時重謁聖明君杜云雲白山青萬餘里愁看直北是

長云云老人如天上坐魚似鏡中遊杜云春水船如天上坐魚似鏡中懸沈雲卿之詩也雲卿得意於

天上坐魚似鏡中懸沈雲卿之詩也雲卿得意於

此故屢用之老杜春水船如天上坐沈佺期之語也繼之以老年花似霧中看蓋觸類而長之

邨氏聞見錄云或以沈雲卿論少陵之妙予謂少

陵所以獨立乎千載之上者不但有所本也三百

篇之中果何本哉

七言律詩卷之三

唐詩品彙八十四

七言律詩卷之四

唐詩品彙八十五

明新寧高棟編 卷陽生校刻

羽翼

錢起

和李員外扈駕幸溫泉宮

未央月曉度疎鍾
鳳輦時巡出九重
雪霽山門迎瑞日
雲開水殿候飛龍
輕寒不入宮中樹
佳氣長浮仗外峰
遙羨枚皋扈仙躡
偏承霄漢渥恩濃

贈闕下裴舍人

三月黃鸝飛上林
春城紫禁曉陰陰
長樂鍾聲花外

盡龍池柳色雨中深陽和不散窮途恨霄漢常懸捧
日心獻賦十年猶未遇羞將白髮對華簪

劉云有情有味有體

色深可觀

漢武出獵

漢家無事樂時雍羽獵年年出九重玉帛不朝金闕
路旌旗長繞綵霞峰且貪原獸輕黃屋寧畏漁人犯
白龍薄暮方歸長樂觀垂楊幾處綠烟濃

和王員外晴雪早朝

紫微晴雪帶恩光繞仗偏隨鴛鴦行長信月留寧避
曉宜春花滿不飛香獨看積素凝清禁已覺輕寒讓

太陽題柱盛名無絕唱風流誰繼漢田郎

宴曹王宅

賢王駟馬退朝初小苑三春帶雨餘林沼葱蘢多貴
氣樓臺隱映接天居仙鷄引敵穿紅藥宮燕銜泥落
綺疏自嘆平生相識願何如今日厠應徐

登劉賓客高齋

時公初退相

能以功成踈寵位不將心賞負雲霞林間客散孫弘
閣城上山宜綺季家蝴蝶晴連池坼草黃鷗晚出柳
園花日陪鯉也趨文苑誰道門生隔絳紗

樂遊原晴望上中書李侍郎

爽氣朝來萬里清，憑高一望九愁輕。
不知鳳沼霖初霽，但覺堯天日轉明。
四野山河通遠色，千家砧杵動秋聲。
遙想青雲丞相府，何時開閣引書生。

長信怨

長信螢來一葉秋，蛾眉淚盡九重幽。
鳩鵲觀前明月度，芙蓉闕下絳河流。
鴛鴦久別難為夢，鳳管遙聞更起愁。
誰念昭陽夜，歌舞君王玉輦正淹留。

送張員外出牧岳州

鳳凰嗚詔與何人，善政多才寵寇恂。
臺下鴛鴦爭送遠，岳陽雲樹待行春。
自憐黃閣知音在，不厭彤襜出

頻應笑馮唐，衰且拙。世情相見白頭新。

送裴頓侍御使蜀

杜史絕年四十強，髭髯再玄髮。美清揚朝天繡服，乘恩貴出使星軺。滿路光錦水，繁花添麗藻。蛾眉明月引飛觴，多才自有雲霄望。計日應追鴛鴦行。

送李評事赴潭州使幕

湖南遠去有餘情，蘋葉初齊白芷生。
謔說簡書催物役，遙知心賞緩王程。
與過山寺先雲到，笑引江帆帶月行。
幕下由來貴無事，佇聞談笑靜黎甞。

送興平王少府遊梁

唐詩八十五卷
舊識相逢情更親，
板惟甚少愴離頻。
黃綬罷來多遠客，
青山何處不愁人。
日斜宮樹聞蟬滿，
雨過關城見月新。
梁園遺風重詞賦，
諸侯應念馬卿貧。

送嚴維尉河南

蕙葉青青花亂開，
少年趨府下蓬萊。
甘泉未厭揚雄賦，
吏道何勞賈誼才。
征陌獨愁飛蓋遠，
離筵只惜暝鍾催。
欲知別後相思處，
願植瑤枝向栢臺。

送韋信愛子歸覲

離舟解纜到斜暉，
春水東流雁北飛。
才子學詩趨露冕，
棠花含笑待班衣。
稍聞江樹啼猿近，
轉覺山林過鳥稀。
借問還珠盈合浦，
何如鯉也入庭闈。

贈張南史

紫泥何日到滄洲，
嘆向東陽沈隱侯。
黛色晴峰雲外出，
縠文江水縣前流。
使臣自欲論公道，
才子非關厭薄遊。
溪畔秋蘭雖可佩，
知君不得少停舟。

山中訓楊補闕見過

日暖風恬種藥時，
紅泉翠壁薜蘿垂。
幽溪鹿過苔還靜，
深樹雲來鳥不知。
青瑣同心多逸興，
春山載酒遠相隨。
却慚身外牽纓冕，
未勝尊前倒接羅。

七盤路阻寇聞李端公先到南楚

日莫窮途淚滿襟，雲天南望羨飛禽。
阮腸暗與孤魂斷，江水遙連別恨深。
明月既能通憶夢，青山何用隔同心。
秦楚眼看成絕國，相思一寄白頭吟。

夜宿靈臺寺寄郎士元

西日橫山含碧空，東方吐月滿禪宮。
朝瞻雙頂青冥上，夜宿諸天色界中。
石潭倒映蓮花水，塔院空聞栢樹風。
萬里故人能尚爾，知君視聽我心同。

題嵩陽焦道士石壁

三峯花半碧，堂懸錦里真人此。
得仙玉體絕飛西，蜀雨霓裳欲向大羅天。
綵雲不散燒丹竈，白鹿時藏種

玉田幸入桃源因，去世方期丹訣一延年。

劉長卿

上陽宮望幸

玉輦西巡久未還，春光又入上陽間。
萬木長承新雨露，千門空對舊河山。
深花寂寂宮城閉，細草青青御路閑。
獨見彩雲飛不盡，只應來去候龍顏。

過賈誼宅

三年謫宦此栖遲，萬里惟留楚客悲。
秋草獨尋人去後，寒林空見日斜時。
漢文有道恩猶薄，湘水無情吊豈知。
劉云怨甚寂寂江山搖落處，憐君何事到天涯。

唐詩今五卷
五
登餘千古城

孤城上與白雲齊萬古蕭條楚水西官舍已空秋草
沒女墻猶在夜烏啼平沙渺渺迷人遠落日亭亭向
客低飛鳥不知陵谷變朝來暮去弋陽溪

獻淮寧軍節度李相公

建牙吹角不聞喧三十登壇衆所尊家散萬金酬士
死身留一劍荅君恩劉云國爾忘家漁易老將多回席魯國
諸生半在門白馬翩翩春草綠邵陵西去獵平原

送李將軍迎故使中丞旅襯赴京

征西諸將不如君報德誰能不願勲身逐塞鴻來萬

里手披荒草看孤墳擒生絕漠經胡雪懷舊長沙哭
楚雲歸去蕭條灞陵上幾人看葬李將軍

使次安陸寄友人

新年草色遠萋萋久客將歸問路蹊暮雨不知滇口
處春風只到穆陵西孤城盡日空花落三戶無人自
鳥啼君在江南相憶否門前五柳幾枝低

自夏口至鸚鵡洲望岳陽寄阮中丞

汀洲無浪復無烟楚客相思亦眇然漢口夕陽斜度
鳥洞庭秋水遠連天孤城背嶺寒吹角獨樹臨江夜
泊船賈誼上書憂漢室長沙謫去古今憐

江州重別薛六柳八二員外

生涯豈料承優詔
世事空知學醉歌
江上月明胡鴈過
淮南木落楚山多
寄身且喜青洲近
顧影無如白髮何
今日龍鍾人共棄
媿君猶遣慎風波

贈別嚴士元

春風倚棹闔閭城
水國春寒陰復晴
細雨濕衣看不見
閉花落地聽無聲
日斜江上孤帆影
草綠湖南萬里情
東道若逢相識問
青袍今已誤儒生

送耿拾遺歸上都

若為天畔獨歸秦
對水看山欲暮春
窮海別離無限

路隔河征戰幾歸人
長安萬里傳雙淚
建德千峰寄一身
想到郵亭愁駐馬
不堪西望見風塵

送常十九歸高少故林

迢迢此恨杳無涯
楚澤高山萬里賒
岐路別時驚一葉
雲林歸處憶三花
秋禾蒼翠寒飛鴈
古堞蕭條晚噪鴉
他日山中逢勝事
桃源洞裏幾人家

送陸澧倉曹西上

長安此去欲何依
先達誰當薦陸機
日下鳳翔雙闕迥
雪中人去二陵稀
舟從故里難移棹
家在寒塘獨掩扉
臨水自傷流落久
贈君空有淚沾衣

送柳使君赴袁州

宜陽出守新恩至京口因家始願遠五柳閉門高士
三苗按節遠人歸月明江路聞猿斷花暗山城見
吏稀唯有郡齋窓裏岫朝朝空對謝玄暉

青溪口送人歸岳州

洞庭何處鴈南飛江菼蒼蒼客去稀帆帶夕陽千里
沒天連秋水一人歸黃花裊露開沙岸白鳥啣魚上
釣磯岐路相逢無可贈老年空有淚沾衣

送馬秀才落第歸江南

南客懷歸鄉夢頻東門悵別柳條新殷勤斗酒城陰
暮蕩漾孤舟楚水春湘竹舊班思帝子江籬初綠怨
騷人憐君此去未得意陌上愁看淚滿巾

送李錄事兄歸襄陽

十年多難與君同幾處移家逐轉蓬白首相逢征戰
後青春已過亂離中行人杳杳看西月歸馬蕭蕭向
北風漢水楚雲千萬里天涯此別恨無窮

送皇甫曾赴工部

東遊又與故人違西去荒涼舊路微秋草不生三逕
處行人獨向五陵歸離心日遠如流水回首川長共
落暉楚客豈勞傷此別滄江日暮自沾衣

送惠法師遊天台因懷支大師故居

翠屏瀑水知何在鳥道猿啼過幾重
落日獨搖金策去深山誰向石橋逢
定攀巖下叢生桂欲買雲中若箇峰
想憶東林禪誦處寂寥唯聽舊時鍾

送靈徹上人還越

禪客無心杖錫還沃州深處草堂閑
身隨敝履經殘雪手綻寒衣入舊山
獨向青溪依樹下空留白日在人間
那堪別後長相憶雲木蒼蒼但閉關

將赴嶺外留題蕭寺遠公院

竹房遙閉上方幽苔徑蒼蒼訪昔遊
內史舊山空日暮南朝古木

人秋天香月色同僧室葉落猿啼傍
客舟此去播遷明主意白雲何事欲相留

題靈祐和尚故居

嘆逝翻悲有此身禪房寂寞見流塵
六時行逕空秋草幾日浮生哭故人
風竹自吟遙入耳雨花垂淚共沾巾
殘經窓下依然在憶得山中間許詢

七言律詩卷之四

唐詩品彙八十五

七言律詩卷之五

唐詩品彙八十六

明新寧高竊編集陽生本校刻

接武^上

韋應物

燕李錄事

與君十五侍皇闈
曉拂爐香上赤墀
花開漢苑經過處
雪下驪山沐浴時
近臣零落今猶在
仙駕飄飄不可期
此日相逢思舊日
一杯成喜又成悲

自鞏洛舟行入黃河
即事寄府縣僚友

綠水蒼山路向東
東南山豁大河通
寒樹依微遠天

外夕陽明滅亂流中孤村幾歲臨伊岸一鴈初晴下
朔風為報洛橋遊宦侶扁舟不繫與心同

寓居澧上精舍寄于張二舍人

萬木叢雲出香閣西連碧澗竹林園高齋獨宿遠山
曙微霰下庭寒雀喧道心淡泊對流水生事蕭條空
掩門劉云寂寞時憶故交那得見曉排闥闔奉明恩
有況有意

寄李儋元錫

去年花裏逢君別今日花開又一年世事茫茫難自
料春秋黯黯獨成眠身多疾病思田里邑有流亡愧
捧錢若溪云士君子當以此切切存心彼一意
相刺事士木視如傷者得無愧比聞道

欲來相問訊西樓望月幾回圓

皇甫冉

同溫州徒登萬歲樓

高樓獨上思依依極浦遙山合翠微江客不堪頻北
望塞鴻何事又南飛丹陽古渡寒烟積瓜步空洲遠
樹稀聞道王師猶轉戰誰能談笑解重圍

宿淮陰南樓醉常伯能

淮陰日落上南樓喬木荒城古渡頭浦外野風初入
戶窓中海月早知秋滄波一望通千里畫角三聲起
百憂佇立分霄絕來客煩君步履忽相求

秋日東郊作

閑看秋水心無事，坐對寒松手自栽。
廬岳高僧留偈別，茆山道士寄書來。
燕知社日辭巢去，菊為重陽冒雨開。
淺薄將何稱獻納，臨岐終日獨遲回。

三月三日義興李明府後亭泛舟

江南煙景復如何，聞道新亭更可過。
處處執蘭春浦綠，萋萋藉草遠山多。
壺觴須就陶彭澤，風俗猶傳晉永和。
更使輕橈徐轉去，微風落日水增波。

送李錄事赴饒州

北人南去雪紛紛，雁引汀洲不可聞。
積水長天隨遠

荒城極浦足寒雲，山從建業千峰出。
江至潯陽九派分，借問督郵總弱冠。
府中年少不如君。

送錢塘路少府赴制舉

公車待詔赴長安，客裏新正阻舊歡。
遲日未能銷野雪，晴花偏自犯江寒。
東溟道路通秦塞，北闕威儀擁漢官。
共許郗生工射策，息榮請向一枝看。

酬李補闕

十年歸客但心傷，三逕無人已自荒。
夕宿靈臺伴煙月，晨趨建禮逐衣裳。
偶因麋鹿隨豐草，謬荷鸚鵡借末行。
縱有諫書猶未獻，春風拂地日空長。

使往壽州淮路寄劉長卿

榛草荒涼村落空，驅馳卒歲亦何功。
蕪良曙色蒼蒼遠，蟋蟀秋聲處處同。
鄉路遙知淮浦外，故人多在楚雲東。
日夕烟霜那可道，壽陽西去水無窮。

秋夜有懷高三十五兼呈空和尚

晚節聞君趨道深，結茅栽樹近東林。
大師幾度曾摩頂，高士何年遂發心。
北渚三更聞過鴈，西城萬里動寒砧。
不見支公與玄度，相思擁膝坐長吟。

皇甫曾

旦朝日寄所知

長安雪後見歸鴻，紫禁朝天拜舞同。
曙色漸分殘漏下，漏聲遙在百花中。
劉云：爐煙乍起，開仙仗玉珮成。
行引上公共荷發生同，雨露不應黃葉又從風。

奉寄中書王舍人

腰金載筆謁承明，至道安禪此此生。
西掖幾年綸綍貴，東山遙夜薜蘿情。
風傳刻漏星河曙，月上梧桐雨露清。
聖主好文誰為薦，閉門賦子虛成。

張芬見訪郊居作

林中雨散早涼生，已有迎秋促織聲。
三徑荒蕪羞對客，十年衰老愧稱兄。
愁心自惜江灘晚，世事方看木

槿榮君若罷官携手去尋山莫計白雲程

秋夕寄懷契上人

已見槿花朝委露獨悲孤鶴在人群真僧出世心無
事靜夜名香手自焚窓臨絕澗聞流水客至孤峯掃
白雲更想清晨誦經處獨看松上雪紛紛

李嘉祐

同皇甫冉登重玄閣

高閣朱闌不厭遊兼葭白水繞長洲孤雲獨鳥川光
莫萬井千山海氣秋清梵林中人轉靜夕陽城上角
偏愁誰堪遠作秦吳別離恨歸心雙淚流

宋州東登望題武陵驛

梁宋人稀鳥自啼登艦一望倍含悽白骨半隨河水
去黃雲猶傍郡城低平陂戰地花空落舊苑春田草
未齊明主頻移席符去幾時行縣向黔黎

早秋京口旅泊贈張侍御

遠家避寇逐行舟厭見南徐江水流吳地征遙非舊
日秣陵凋弊不勝秋千家閉戶無砧杵七夕何人望
斗牛只有同時驄馬客偏題尺牘問窮愁

蘇臺至望亭驛人家盡空悵然有作寄從

弟紆

南浦菰蒲覆白蘋東吳黎庶逐黃巾野棠自發空流
水江燕初歸不見人遠樹依依如送客平田渺渺獨
傷春那堪回首長洲苑烽火年年報虜塵

暮春宜陽郡齋愁坐忽柱劉七侍御詩因
以酬答

子規夜夜啼楮葉遠道逢春半是愁芳草伴人還易
老落花隨水亦東流山當埤堦常多雨地近瀟湘畏
及秋唯羨君為周柱史手持黃帟到滄洲

送皇甫冉往安宜

江皋盡日唯煙水君向白田何日歸楚地蒹葭連海

朝楊柳映堤稀津樓故市生荒草山館空城閉
落暉若問行人與征戰使君雙淚定沾衣

送宋中舍遊江東

孤城郭外送王孫越水吳洲共爾論野寺山邊斜有
徑漁家竹裏聿間門青楓獨映搖前浦白鷺閑飛過
遠村若到西陵征戰處不看秋草自傷寬

晚發咸陽寄同院遺補

征戰初休草又衰咸陽晚眺淚堪垂去路全無千里
客秋田不見五陵兒秦家故事隨流水漢代高墳對
石碑迴首青山獨不語羨君談笑萬年枝

題遊仙閣息一作公廟

仙冠輕舉竟何之
薜荔緣堦竹映祠
甲子不知風御日
朝昏唯見雨來時
霓旌翠蓋終難遇
流水青山空所思
逐客自憐雙鬢改
焚香多負白雲期

劉方平

寄巖八判官

洛陽新月動秋砧
瀚海沙場天半陰
出塞能全仲叔策
安親更切老萊心
漢家宮裏風雲晚
羌笛聲中雨雪深
懷袖未傳三歲字
相思空作隴頭吟

秋夜寄皇甫冉鄭豐

洛陽清夜白雪歸
城裏長河列宿稀
秋後見飛千里鴈
月中聞搗萬家衣
長憐西雍青門道
又別東吳黃鶴磯
借問客書何所寄
中心不啻兩鄉違

郎士元

春日燕王起城東別業

柳陌乍隨洲勢轉
花源忽傍竹陰開
能令瀑水清人境
直取流鶯送酒杯
山下古松當綺席
簷前片雨滴春苔
地主同聲復同舍
留連不畏夕陽催

訓王季友題半日村別業兼呈李明府

村映寒原日已斜
煙生密竹早歸鴉
長溪南路當群

岫半景東隣照數家門通小徑連芳草馬飲春泉踏
淺沙欲待主人林上月還思潘令縣中花

寄韋司直

聞君感嘆二毛初舊友相依萬里餘烽戍有時驚暫
定甲兵何處可安居客來吳地星霜久家在平陵音
信踈昨夜東風還入戶登山臨水復何如

贈錢起秋夜宿靈臺寺見寄

石林精舍武溪東夜扣禪扉謁遠公月在上方諸品
靜心持半偈萬緣空蒼苔古道行應遍落木寒泉聽
不窮更憶雙峰最高頂此心期與故人同

送粲上人兼寄梁鎮員外

五月還鄉獨未能林行溪宿厭層冰尺素欲傳三署
書雪山愁送五溪僧連雲朔氣橫秦苑滿目寒煙隔
灞陵借問從來香積寺何嘗携手更同登

韓翃

同題仙遊觀

仙臺初見五城樓風物淒淒宿雨收山色遠連秦樹
晚磴聲近報漢宮秋踈松影落空壇靜細草春香小
洞幽何用別尋方外去人間亦自有丹丘

送劉評事赴廣東使幕

唐詩八十六卷
征南官屬似君稀才子當今劉孝威蠻府叅軍趨傳
舍交州刺史拜行衣前臨漲海無人過却望衡陽少
鴈飛為報蒼梧雲影道明年早送客帆歸

送冷朝陽還上元

青絲纜引木蘭船名遂身歸拜慶年落日澄江烏榜
外秋風踈柳白門前橋通小市家林近山帶平湖野
寺連別後依依寒食裏共君携手在東田

送王光輔歸青州兼寄儲侍御

幾回奏事建章宮聖主偏知漢將功身着紫衣趨闕
下口啣丹詔出關東蟬聲驛路秋山裏草色河橋落

照中遠憶故人滄海別當年好躍五花驄

送李少府入蜀

行行獨出故關遲南望千山無盡期見舞巴童應暫
笑聞歌蜀道又堪悲孤城晚閣清江上疋馬寒嘶白
露時別後此心君自見山中何事不相思

送田明府歸終南別業

故園此日多心賞窓下流泉竹外雲近館應逢道
士北隣自識卞田君離宮樹影登山見上苑鍾聲過
雪聞相勸早移丹鳳闕不須長戀白鷗群

送高別駕歸汴州

信陵門下識君顏
駿馬輕裘正少年
寒雨送歸千里外
東風沉醉百花前
身隨玉帳心應愜
官佐銅符勢又全
久客未知何計是
參差去惜汶陽田

寄徐州鄭使君

江城五馬楚雲邊
不羨雍容畫省年
才子舊稱何水部
使君還繼謝臨川
射堂草遍收殘雨
官路人稀對夕天
雖卧郡齋千里隔
與君同見月初圓

送故人赴江陵尋庾牧

主人持節拜荆州
走馬應從一路遊
班竹岡連山雨暗
枇杷門向楚天秋
佳期笑把齋中酒
遠意閑登城

上樓文體此時看
又別吾知小庾甚風流

盧綸

長安春望

東風吹雨過青山
却望千門草色閑
家在夢中何日到
劉云春來江上幾人還
川原繚繞浮雲外
宮闕參差落照間
誰念為儒逢世難
獨將衰髻客秦關

久客之意

晚次鄂州

雲開遠見漢陽城
猶是孤帆一日程
佑客晝眠知浪靜
舟人夜語覺潮生
三湘愁鬢逢秋色
萬里歸心對

唐詩八十六卷
月明舊業已隨征戰盡更堪江上鼓鼙聲

至惠中途中書事寄李潤

亂離無處不傷情况復看碑到古城路繞寒山人獨
去月臨秋水鴈空驚顏衰重喜歸鄉國身賤多慚問
姓名今日主人還共醉應憐世故一儒生

醉暢當高山尋麻道士見寄

聞逐樵夫閑看碁忽逢人世是秦時開雲種玉嬾山
淺渡海傳書怪鶴遲陰洞石幢微有字劉云古壇松
樹半無枝煩君遠示青囊錄願得相從一問師

謝李端野寺病居見寄

野寺昏鍾山色陰亂藤高下竹聲深農夫就餉還依
草野雉鷺飛不過林齋沐暫思同靜室清羸已覺助
禪心寂寞日長誰問疾料君唯取古方尋

司空曙

長安曉望寄程補闕

迢遞山河擁帝京參差宮殿接雲平風吹曉漏經長
樂柳帶晴煙出禁城天淨笙歌臨路發日高車馬隔
塵行獨有淺才甘未達多慚名在魯諸生

南原望漢宮

荒原空有漢宮名衰草茫茫雉堞平連雁下時秋水

唐詩八卷
在行人過盡暮烟生西陵歌吹何年別南陌登臨此
日情故事悠悠不可問寒禽野水自縱橫

秋日趨府上張大夫

重城洞啓肅秋烟共說羊公在鎮年鼙鼓暗驚林葉
落旌旗遙拂鴈行偏石過橋下書曾受星降人間夢
已傳謫吏何能沐風化空將歌頌拜車前

酬李端校書見贈

綠槐垂穗乳烏飛忽憶山中獨未歸青鏡流年看髮
變白雲芳草與心違乍逢酒客春遊慣久別林僧夜
坐稀昨日聞君到城闕莫將簪葉勝荷衣

題暎上人院

閉門不出自焚香擁褐看山歲月長雨後綠苔生石
井秋來黃葉徧繩牀身閑何處無真性年老曾言隱
故鄉更說本師同學在幾時携手見衡陽

贈衡岳隱禪師

擁褐安居南陌頭白雲高寺見衡州石窓湖水搖寒
月楓樹猿聲報夜秋講席舊逢山鳥至梵經初向竺
僧求自知身老將傳法目下人間遂北遊

送王尊師南歸

煙蕪滿洞青山遶幢節飄空紫鳳飛金闕乍看迎日

麗玉簫遙聽隔花微多開石髓供調膳時御霓裳奉
舞衣莫學遼東華表上千年始欲一回歸

李端

宿淮浦憶司空文明

愁心一倍長離憂夜思千重戀舊遊秦地故人成遠
夢楚天涼雨在孤舟諸溪近海潮皆應獨樹邊淮葉
盡流別恨轉深何處寫前程唯有一登樓

送濮陽錄事赴忠州

成名不遂雙旌遠空印還為一郡雄赤葉黃花隨野
岸青山白水映江楓巴人夜語孤舟裏越鳥春啼萬

壑中聞說古書多未校肯令才子久西東

夜投豐德寺謁液上人

半夜中峰有磬聲偶逢樵者問山名上方月曉聞僧
語下界林疎見客行野鶴巢邊松最老毒龍潛處水
偏清愿得遠公知姓字焚香洗鉢過餘生

秦系

題茅山李尊師山居

天師百歲少如童不到山中竟不逢洗藥每臨新瀑
水步虛時上最高峰篔簹間五月留殘雪石上千年蔭
怪松此去人寰今遠近回看雲叡一重重

獻薛僕射系家于剡向盈一紀大曆五年

為古衛率府倉曹參軍
意所不欲自獻斯文

由來那敢議輕肥散髮行歌自采薇
逋客未能忘野興辟書翻遣脫荷衣
家中匹婦空相笑池上群鷗盡欲飛
更乞大賢容小隱益看愚谷有光輝

竇叔向

夏夜宿表兄宅話舊

夜合花開香滿庭夜深微雨醉初醒
遠書珍重何曾達舊事凄凉不可聽
去日兒童皆老大惜年親友半凋零
明朝又是孤舟別愁見河橋酒幔青

張志知

漁父

八月九月蘆花飛南溪老人垂釣歸
秋山入簾翠滴滴野艇倚檻雲依依
却把漁竿尋小徑閑梳鶴髮對斜暉
翻嫌四皓會多事出為儲皇定是非

嚴維

送崔同使往睦州兼寄薛司戶

如今相府用英髦獨往南州肯告勞
冰水近開漁浦出雪雲初卷定山高
木奴花映桐廬縣青雀舟隨白露濤
使者應須訪廉吏府中唯有范功曹

崔峒

題同官李明府書舍

訟堂寂寂對煙霞五柳門前聚晚鴉
流水聲中視公事寒山影裏見人家
觀風共羨新為政計日還應更觸邪
可惜陶潛無限興不逢籬菊正開花

送常八少府判官歸東京

玄成世業紫真官文似相如貌勝潘
鴻鴈南飛人獨去雲山一別歲將闌
清淮水急桑林晚古驛霜多柳葉寒
瓊樹相思何日到銀鈎數字莫為難

寄上韋蘇州兼呈吳縣李明府

數年湖上謝浮名竹枝紗巾遂稱情
雲外有時逢寺宿日西無事傍江行
陶潛縣裏看花發庾亮樓中對月明
誰念獻書來萬里君王深在九重城

贈賈十九時公車待詔長安

靈臺暮宿意多違木~~花~~花開羨客歸
江海幾時傳錦字風塵不覺化緇衣
山陽會裏同人少灞曲農時故老稀
幸得漢皇容直諫憐君未遇覺人非

耿湣

塞上曲

慣習干戈事鞍馬初從小在邊城身微久屬千夫

唐詩八十六卷
長家多親五郡兄，懶說疆場會大獲。且悲年鬢老，
長征塞鴻過。盡殘陽裏樓上鳴，鳴暮角聲。

上裴行軍中丞

胡塵已滅，天山外閉閣陰陰。日復曛，櫜上驂，驕嘶鼓
角門前。老將識風雲，旌旗四面高秋。見絲竹千家靜，
夜聞莫道古來多計策。功成唯有李將軍。

送友人歸南海

遠別悠悠白髮新，江潭何處是通津。潮聲偏懼初來
客，海味唯甘久住人。漠漠烟光前浦晚，青青草色定
山春。汀洲更有南回鴈，亂起聯翩北向秦。

張繼

會稽郡樓雪霽

江城昨夜雪如花，郢客登樓望霽華。夏禹壇前仍聚
玉，西施浦上更飛沙。簾櫳向晚寒風度，睥睨初晴落
景斜。數處微明銷不盡，湖山青映越人家。

張南史

陸勝宅秋雨中探韻同前

同人未日自相將，深竹閑園偶辟疆。已被秋風教憶
鱸，更聞寒雨動飛觴。物里俱美，情致兼深。歸心莫問三江水，
服從沾九日霜。醉裏欲尋騎馬路，蕭條是處有垂楊。

于鵠

醉後寄山中友人

昨日山家春酒濃
野人相勸久從容
獨憶卸冠眠細
草不知誰送出
深松都忘醉後逢
庶度不省歸時見
魯恭知已尚嫌身
酩酊路人應恐笑
龍鍾

送宮人入道

十五吹簫入漢宮
看修水殿種芙蓉
自傷白髮辭金
屋許着黃冠向雪峰
解語老猿開曉戶
學飛雛鶴落
高松定知別後宮
中伴遙聽山半夜鍾

七言律詩卷之五

唐詩品彙八十六

七言律詩卷之六

唐詩品彙八十七

明新寧高棅編集陽生校刻

接武下

李益

送賈校書東歸寄振上人

北風吹鴈數聲悲
况指前林是別時
秋草不堪頻送
遠白雲何處更相期
山隨匹馬行看暮
路入寒城獨
去遲為向東州故人
道江淹已擬惠休詩

鹽州過胡兒飲馬泉

綠楊着水草如煙
曾是胡兒飲馬泉
幾處吹笳明月

夜何人倚劍白雲天從來凍合關山路今日分流漢
使前莫遁行人照容髻恐驚憔悴入新年

鸛雀樓

鸛雀樓西百尺檣汀洲雲樹共茫茫漢家簫鼓空流
水魏國山河半夕陽事去千年猶恨速愁來一日即
為長風煙並起思鄉望遠目非春亦自傷

朱灣

過宣上人湖上蘭若

十年湖上結幽期偏向東林遇遠師未道姓名童子
識不誚言語上人知閑花落地滋苔徑細雨和煙着

柳枝問我別來何所得解將無事當無為

同達奚宰遊竇子明仙壇

松檜陰深一逕微中峰石室到人稀仙官不住青山
在故老相傳白日飛華表問我何歲木片雲留着去
時衣今朝茂宰尋真處暫駐雙鳧且莫歸

平陵寓居再逢寒食

幾迴江上泣途窮每遇良辰嘆轉蓬火燧知從新節
變灰心還與故人同莫聽黃鳥啼愁處自有花開久
客中貧病固應無撓事但將懷抱醉春風

權德輿

唐詩八十七卷
和司門殷員外早秋省中直夜寄荆南衛

端公

共嗟王粲滯荊州才子為郎憶舊遊涼夜偏宜粉署
直清言遠待玉人酌風生北渚烟波濶露下南宮星
漢秋早晚得為同舍旅知君兩地結離憂

送張閣老中丞持節弔回鷗

旌旆翩翩擁漢官君行當得遠人歡分職南臺知禮
重書東觀見才難金章玉節鳴騶遠白草黃雲出
塞寒欲散別愁唯有酒慙煩賓從駐征鞍

田家即事

閑臥藜牀對落暉脩然便覺世情非漠漠稻花資旅
食青青荷葉製儒衣山僧相勸期中飯漁父同遊或
夜歸待學尚平婚嫁畢渚煙溪月共忘機

待漏假寐夢歸江東舊居因寄惠闈梨茅

處士

時德輿秉政
未果會故也

十年江浦臥郊園閑夜分明結夢寃舍下煙蘿通古
寺湖中雲雨到前軒南宗長老知心法東郭先生識
化源覺後忽聞清漏曉又隨簪珮入君門

戴叔倫

贈司空拾遺

侍臣何事辭雲陛江上彈冠見雪花望闕未承丹鳳
詔開門空對楚人家陳琳草奏才還在王粲登樓興
不賒高館更容塵外客仍令歸去待瓊華

越溪村居

年來客寄扉多貧居在翠微黃雀數聲催柳
變清溪一路踏花歸空林野寺經過少落日深山伴
侶稀負米到家春未盡風蘿閑掃釣魚磯

贈韓道士

鼓吹作
張泌詩

日莫秋風吹野花上清歸客意無涯桃源寂寂煙霞
閉天路悠悠星漢斜還似世人生白髮定知仙骨變

黃芽東城南陌頻相見應是壺中別有家

張濯

題舜廟

古都遺廟出河汾萬代千秋仰聖君蒲坂城邊長逝
水蒼梧野外不歸雲寥寥薦設覓應在寂寂虞篇德
已聞向晚風吹庭下栢猶疑琴曲詠南薰

楊巨源

送定法師歸蜀法師即紅樓院供奉廣宣

上人兄弟

鳳城初日照紅樓禁寺公卿識惠休詩引棣華沾一

雨經分具葉向雙流孤猿學定前山夕遠鴈傷離幾
地秋空性碧雲無處所約公會許剡溪遊

贈史開封

天低芳草誓師壇鄧艾心知戰地寬鼓角迥臨霜野
曙旌旗高對雪峯寒五營向水紅塵起一劍當風白
日看曾從伏波征絕域磧西蕃部怯金鞍

奉寄通州元九侍御

大明宮殿鬱蒼蒼紫禁龍鍾直署香九陌華軒爭道
路一投寒玉任煙霜須聽瑞雪傳心語莫被啼猿續
淚行共說聖朝容直氣期君新歲奉恩光

早朝

鍾傳清禁絕應徹漏報仙闈儼已開雙闕薄煙籠齒
齒九成初日照蓬萊朝時但向丹墀拜仗下乃從碧
殿迴聖道逍遙更何事願將巴曲贊康哉

元日含元殿下立仗上門下相公

臨軒啓扇似雲收率土朝天極水流瑞色含春當正
殿香煙捧日在高樓三朝氣早迎恩澤萬歲聲長繞
冕旒請問漢家功第一麒麟閣上識鄼侯

訓于駙馬

芳時碧落心應斷今日清詞事不同瑤草秋殘仙圃

在彩雲天遠鳳樓空晴花煖送金羈影涼葉寒生玉
殿風長得聞詩歡自足會看春露濕蘭叢

叢為公主先逝而育
子也六義中為興也

贈張將軍

關西諸將揖容光獨立營門劍有霜知愛魯連歸海
上肯令王翦在頻陽天晴紅幟當山滿日暮清笳入

塞長年少功高人哀羨漢家壇樹月蒼蒼

郝新齋曰
言漢將之

壇已為陳跡不若將軍年
少功高抑彼揚此之意也

和侯大夫秋原山觀征人回

兩河戰罷萬方清原上軍回識舊營立馬望雲秋塞

靜射鵬臨水晚天晴戍閑部伍分岐路地遠家鄉寄
旆旌聖代止戈資廟略諸侯不復更長征

送澹公歸嵩山龍潭寺葬本師

野烟秋水滄茫遠禪境真機去住閑雙樹為家思舊
壑千花成塔禮寒山洞宮曾向龍邊宿雲徑應從鳥
外還莫戀本師金骨地空門無處復無閑

武元衡

荆帥

金貂再入三公府錦帳連封萬戶侯簾捲青山巫峽
曉雲凝碧樹渚宮秋鐺琨坐笑風生苑謝眺裁詩月

滿樓白雪調高歌不得美人南國翠蛾愁

春題龍門香山寺

衆香天上梵仙宮
鍾磬寥寥半碧空
清景乍開松嶺月
亂流長響石樓風
山河杳映春雲外
城闕參差曉樹中
欲盡出尋那可得
三千世界本無窮

錙禹錫

金陵懷古

王濬樓船下益州
金陵王氣黯然收
千尋鉄鎖沉江底
一片降旗出石頭
人世幾回傷往事
山形依舊枕寒流
今逢四海為家日
故壘蕭蕭蘆荻秋

元微之詩楚客與錙

會下白樂天之居各賦金陵懷古劉無遲意滿引一揮而成白公曰四子探驪龍吾子先得其珠其餘鱗魚何為三公於是罷吟

荆門道懷古

南國山川舊帝畿
宋臺梁館尚依稀
馬嘶古樹行人歇
麥秀空城野雉飛
風吹落葉填宮井
火入荒陵化寶衣
徒使詞臣庾
開府咸陽終日苦思歸

松滋渡望峽中

渡頭輕雨灑寒梅
雲際溶溶雪水來
夢渚草長迷楚望
夷陵土黑有秦灰
巴人淚應猿聲落
蜀客船從鳥道迴
十二碧峯何處所
永安宮外有荒臺

同樂天送河南馮尹學士之任

可憐五馬風流地，暫綴金貂侍從才。
閣上掩書劉向去，門前修刺孔融來。
方虛谷云：馮自館閣出，為河南尹，用事甚精。
嶠陵路靜寒無雨，洛水橋長晝起雷。
却羨府中棠棣好，先於城外百花开。

柳宗元

登柳州城樓寄漳汀封連四州刺史

城上高樓接大荒，海天愁思正茫茫。
驚風亂颭芙蓉水，密雨斜侵薜荔牆。
嶺樹重遮千里目，江流曲似九迴腸。
其來百越文身地，猶自音書滯一鄉。

別舍弟宗一

零落殘晷倍黯然，雙垂別淚越江邊。
一身去國六千里，萬死投荒十二年。
桂嶺瘴來雲似墨，洞庭春盡水如天。
欲知此後相思夢，長在荆門郢樹煙。

韓愈

奉和庫部盧四兄曹長元日朝迴

天仗宵嚴建羽旄，春雲送色曉鷄號。
金爐香動螭頭暗，玉珮聲來雉尾高。
戎服上趨承北極，儒冠列侍映東曹。
太平時節難身遇，郎署何須笑二毛。

和水部張員外宣政殿賜百官櫻桃詩

漢家舊種光明殿炎帝還書本草經豈似滿朝承雨露
共看傳賜出青冥香隨翠籠擎初到色映銀盤寫未
停食罷自知無所報空然愧汗仰皇局

晉公破賊回重拜台司以詩示幕中賓客

愈奉和

南伐旋師太華東天書夜到冊元功將軍舊歷三司
貴相國新兼五等崇鴛鷺欲歸仙仗裏能罷還入禁
營中長慚典午非材賦得就閑官即至公

陳羽

長安卧病秋夜言懷

唐音作
盧綸詩

九重門鎖禁城秋月過南宮漸映樓紫陌夜深槐露
滴碧空雲靜火星流清風刻漏傳三殿甲第歌鍾樂
五侯楚客病來鄉思苦寂寥燈下不勝愁

送友人下第東歸

五陵春色泛花枝心醉花前遠別離落第耻為閑右
客成名空羨里中兒都門雨歇愁分處山店燈殘夢
到時家住洞庭多釣伴因來相賀語相思

張籍

寒食內宴

城闕沉沉向曉寒恩當冷節賜餘歡瑞烟入處開三

唐詩八十七卷
殿香雨微時引百官寶樹樓前分繡幕綵花廊下映
朱闌宮筵戲樂年年別已得三回對御看

寄蘇州白二十一使君

三朝出入紫微臣頭白金章未在身登第早年同座
主題書今日異州人閭門柳色煙中遠茂苑鶯聲雨
後新此處吟詩向山寺知君忘却曲江春

王建

早春五門西望

百官朝下五門西塵起春風滿御堤黃帕蓋鞍呈過
馬紅羅纏項鬪回鷄館松枝重墻頭出渠柳條長水

百官惟有城南芳草色古城陰處冷淒淒

獻王樞密

先朝行坐鎮相隨今上春宮見長時脫下御衣親賜
着進來龍馬每教騎長承密旨歸家少獨奏邊機出
殿遲不是大家頻向說九重爭得外人知

建初為渭南尉與宦者王守登有宗人之分因過飲以相戲守澄深恨曰吾弟所作宮詞禁掖深遠何以知
賦此篇以解之其事遂寢

白居易

尋郭道士不遇

郡中乞假來相訪洞裏朝元去不逢看院只留雙白

鶴入門唯見一青松藥爐有火丹應伏雲碓無人水
自春欲問叅同契中事未知何日得相從

與劉夢得偶同到敦詩宅感而題壁

山東綫副蒼生望川上俄驚逝水波履道淒涼新第
宅宣城流落舊笙歌園荒惟有新堪採門冷兼無雀
可羅今日相隨偶同到傷心不是故經過

元稹

和樂天早春見寄

雨香雲淡覺微和誰送春聲入棹歌萱近北堂穿土
早柳偏東面受風多湖添水色消殘雪江送潮頭湧

次同受新年不同賞無由縮地欲如何

殷堯藩

和趙相公登鸛雀樓

危樓高架沉冥天上相閑登立綵旃樹色到京三百
里河流歸漢幾千年晴峯聳日當周道秋穀垂花滿
舜田雲路何人見高志最看西面赤闌前

賈島

早秋寄題天竺靈隱寺

峰前峰後寺新秋絕頂高窓見天州人在定中聞蟋
蟀鶴曾棲處掛獼猴山鍾夜度空江水汀月寒生古

石樓心憶懸帆身未遂謝公此地昔曾遊

送羅少府歸牛渚

作尉長安始三日忽思牛渚夢天台楚山遠色獨歸
去灞水空流相送回霜覆鶴身松子落月分螢影石
房開白雲多處應頻到寒澗泠泠漱古苔

題魏州吳郎中三堂

無窮草樹昔誰栽新起臨湖白石臺半岸沙泥孤鶴
立三堂風雨四門開荷翻團露驚秋近柳轉斜陽過
水來昨夜北樓堪朗詠號城初鎖月徘徊

姚合

和高諫議蒙無賓客時入翰苑

兼秩恩歸第一流時尋仙路向瀛洲鐘聲迢迓銀河
曉林色葱蘢玉露秋紫殿講筵隣御座青宮賓榻入
龍樓從來結歸仙侶今日多應獨自休

和銜禹錫主客冬初拜表懷上都故人

九陌喧喧騎吏催百官拜表禁城開林疎曉日明紅
葉塵靜寒霜覆綠苔玉珮聲微班始定金函光動按
初來此時共想朝天客謝食方從閣裏迴

送源中丞使新羅

冊墀名對使殊方官重霜臺紫綬光玉節在舡清海

怪金函開詔拜夷王雲晴漸覺山川異風便那知道
路長誰得似君將雨露海東萬里洒扶桑

送劉禹錫郎中赴蘇州

三十年來天下名
嘶恩東守闔閭城初經函谷眠山
驛漸入梁園問水程
霽日滿江寒浪靜春風遶郭白
蘋生虎丘野寺吳中少誰伴吟詩月裏行

送貞實上人歸杭州天竺寺

石橋寺裏寂清涼
聞說茅庵寄上方
林外猿聲連院磬
月中湖色到禪牀
他生念我身何在此世唯師性
亦忘九陌相逢千里別
青山重疊樹蒼蒼

王初

送葉秀才

快騎瓏瓏刻玉羈
河梁返照上征衣
層冰春近蟠龍起
九澤雲閑獨鶴飛
行想北山清夢斷
重遊西洛故人稀
漢廷狗監深知已有日前驅負弩歸

李紳

憶夜直金鑾奉詔

月當銀漢玉繩低
深聽蕭韶碧落齊
門壓紫垣高綺樹
閣連青瑣近丹梯
墨宣外渥催飛詔
草定新恩促換題
明日獨歸花路遠
可堪人世隔雲霓

過鍾陵長慶三年余除江西觀察使奉詔
不之任而作

龍沙江尾抱鍾陵水郭津橋晚景澄江對楚山千里
月郭連漁浦萬家燈省拋雙旆辭榮寵遽落丹青起
愛憎惆悵舊遊同草露却思恩顧一沾膺

江南暮春寄家

洛陽城見梅迎雪魚口橋逢雪送梅劍水寺前芳草
含鏡湖亭上野花開江鴻斷續翻雲去海燕差池拂
水回想得心知寒食近潛聽喜鵲望歸來

入泗口

洪河一派清淮接堤草蘆花萬里秋煙樹蒼茫分楚
澤海雲明滅見揚州望深江漢連天遠思起鄉關浦
眼愁惆悵路岐
此處夕陽西沒水東流

周賀

贈厲玄侍御

山松徑與瀑泉通巾舄行吟想越中塞鴈去經華表
末鄉僧來自海濤東關分河漢秋鍾絕露滴獼猴夜
嶽空抱疾因尋周柱史杜陵寒葉落無窮

泗上逢韓司徒歸北

多病十年無舊識滄洲亂後只逢君已知罷秩辭龍

唐詩卷之六
水相勸移家住岳雲泗上旅帆侵疊浪雪中歸路踏
荒墳更為此別愁應老書札何由到北軍

七言律詩卷之六

唐詩品彙八十七

七言律詩卷之七

唐詩品彙八十八

明塾高棟編集出陽牛校刻

正變

李商隱

隋宮

紫泉宮殿鎖煙霞欲取蕪城作帝家玉璽不緣歸日
角錦帆應是到天涯于今腐草無螢火終古垂楊有
暮鴉地下若逢陳后主豈宜重問後庭花

籌筆驛

魚鳥猶疑畏簡書風雲長為護儲胥徒令上將揮神

筆終見降王走傳車管樂有才終不忝關張無命復

何如他年錦里經祠廟梁甫吟成恨有餘詩眼云首言其號今

嚴明千百年後魚鳥猶畏之次言忠義貫神明風雲猶護其藩籬壁壘至於三聯屬清切又有意他人不能及

九成宮

十二層城闔苑西平時避暑拂紅霓雲隨夏后雙龍

尾風逐周王八駿蹄吳岳曉光連翠巘甘泉晚景上

丹梯荔枝蘆橘沾恩澤鸞鵲天書濕紫泥

馬嵬

海外徒聞更九州他生未卜此生休空聞虎旅鳴宵

柝無復鷄人報曉籌此日六軍同駐馬當時七夕笑

牽牛如何四紀為天子不及盧家有莫愁詩眼云首

高雅故不出愁怨墮淚等語而聞者為之深悲次聯如親扈明皇寫出當時意味三聯語益奇世人但稱巧麗不識其高情遠韻可嘆也

茂陵

漢家天馬出蒲稍苜蓿榴花遍近郊內苑只知啣鳳

觜屬車無復插雞翹玉桃偷得憐方朔金屋妝成貯

阿嬌誰料蘇卿老歸國茂陵松柏雨蕭蕭

碧城

碧城十二曲闌干犀辟塵埃玉辟寒闔苑有書多附

鶴女墻無樹不棲鸞星沉海底當窓見雨過河源隔
坐看若是曉星明又定一生長對水晶盤

富平少侯

七國三邊未到憂十三身襲富平侯不收金彈拋林
外却惜銀牀在井頭綵樹轉燈珠錯落繡檀回枕玉
雕鏤當閑莫報侵晨客新得佳人字莫愁

少年

外戚平羌第一功生年二十有重封直登宣室螭頭
上橫過甘泉豹尾中別館覺來雲雨夢後門歸去蕙
蘭叢灞陵夜獵遊田實不識寒郊自轉蓬

促漏

此篇相深宮怨女而作

促漏遙鍾動靜聞報童重疊香難分舞鴛鏡匣收殘
黛睡鴨香爐換夕熏歸去豈知還向月夢來何處更
爲雲南塘漸煖蒲堪結兩兩鴛鴦護水紋郝新齋云恨不如姮

娥入月神女為雲入不如禽鳥之有匹也有感之辭也

聞歌

歛笑凝眸意欲歌高雲不動碧嵯峨銅臺罷望歸何
處玉輦忘來事幾多青塚路邊南鴈盡細腰宮裏北
人過此聲腸斷非今日香炷燈光奈爾何

錦瑟

唐詩八卷
錦瑟無端五十絃一絃一柱思華年莊生曉夢迷蝴蝶望帝春心託杜鵑滄海月明珠有淚藍田日煖玉生煙此情可待成追憶祇是當時已惘然

細素雜記云李義山

此詩山谷讀之殊不曉其意以問東坡答曰古今樂志云錦瑟其絃五十柱亦如之其聲也適然清和按李詩中四句曲盡其意唐史稱其覓蘊奇古信焉

寫意

燕鴈迢迢隔上林高秋望斷正長吟人間路有潼江險天外山惟玉壘深殘日花間留返照片雲城上結層陰三年已制思鄉淚更入新年恐不禁

哭劉蕡

上帝深居閉九閤巫咸不下問嘶冤廣陵別後春壽隔湓浦書來秋雨翻只有安仁能作誄何曾宋玉解招魂平生風義兼師友不敢同君哭寢門

許渾

秋日早朝

宵衣應待絕更籌環珮鏘鏘月下樓井轉輓轡千樹曉鎖開闔闔萬山秋龍旂盡引趨金殿雉扇總分拜玉旒虛戴鐵冠無事日滄江歸去老漁舟

凌敲臺

宋祖凌敲樂未回三千歌舞宿層臺湘潭雲盡暮山

出巴蜀雪消春水來行殿有基荒薺合寢園無主野
棠開百年便作萬年計巖畔古碑空綠苔

咸陽城東樓

獨上高城萬里愁兼葭楊柳似汀洲溪雲初起日沉
閣山雨欲來風滿樓鳥下綠蕪秦苑夕蟬鳴黃葉漢
宮秋行人莫問當年事故國東來渭水流

登故洛陽城

禾黍離離半野蒿昔人城此豈知勞水聲東去市朝
變山勢北來宮殿高鴉噪英雲歸古堞鴈迷寒雨下
空壕可憐綉額登仙子猶自吹笙醉碧堯

金陵懷古

玉樹歌殘王氣終景陽兵合戍樓空楸梧遠近千官
塚禾黍高低六代宮石燕拂雲晴亦雨江豚吹浪夜
還風英雄一去豪華盡唯有青山似洛中

姑蘇懷古

宮館餘基倚棹過黍苗無限獨悲歌荒臺麋鹿爭新
草空苑鳥鷺占淺莎吳岫雨來虛檻冷楚江風急遠
帆多可憐國破忠臣死日日東流生白波

驪山

聞說先皇醉碧堯日華浮動鬱金袍風隨玉輦笙歌

迥雲捲珠簾劍佩高鳳駕北歸山寂寂龍輿西幸水
滔滔蛾眉沒後巡遊少瓦落空墻見野蒿

題衛將軍廟

序云將軍名逖陽美人高祖

列洎禽竇建德逃特挾鎗劍前後突翼
太宗奇之天下定錄其功拜將軍宿衛
以母老乞歸侍許之及率邑人懷其賢
廟于荆溪以平生弓甲懸廟下歲時祠
祭而國史闕書其人因題詩于廟

武牢關下護龍旗挾槊彎弓馬上飛漢業未興王霸
在秦軍纒散魯連歸墳穿大澤埋金劍廟枕長溪掛
鉄衣欲奠忠魂何處問葦花楓葉雨霏霏

祇命南海廬陵逢表兄軍倅奉使淮海別

後却寄是詩

盧橘花香拂釣磯美人猶舞越羅衣三洲水淺魚來
少五嶺山高鴈到稀客路晚依紅樹宿鄉閨朝望白
雲歸交親不念征南吏昨夜風帆去似飛

穎州從事西湖亭燕餞

西湖清謾不知回一曲離歌酒一杯城帶夕陽聞鼓
角寺臨秋水見樓臺蘭堂客散蟬猶噪桂楫人稀鳥
自來獨想征車過鞏洛此中霜菊繞潭開

瓜州留別李詡

泣玉三年一見君白衣顛顛更離群楊堤惜別春潮

晚花榭留歡夜漏分孤館宿時風帶雨遠帆歸處水
連雲悲歌曲盡莫重奏心遶關河不忍聞

寓居開元精舍酬薛秀才見貽

知己蕭條信陸沉茂陵扶疾卧西林
芰荷風起客堂靜松桂月高僧院深
清露下時傷旅髮白雲歸處寄鄉心
勞君詩思猶相憶題在空齋夜夜吟

乘月棹舟送大曆寺靈聰上人不及

萬峯秋盡百泉清舊鎖禪扉在赤城
楓浦客來煙未散竹窓僧去月猶明
杯浮野渡魚龍遠錫響空山虎豹驚
一字不留何足訝白雲無路水無情

晚自朝臺至韋隱君郊園

秋來鳧鴈下方塘繫馬朝臺步夕陽
村逕繞山松葉暗柴門臨水稻花香
雲連海氣琴書潤風帶潮聲枕簟涼
西去磻溪猶萬里可能垂白侍文王

村舍

尚平多累自歸難一日身閑一日安
山逕晚雲收獵網水門涼月掛漁竿
花聞酒氣春風遠竹裏碁聲夜雨寒
三頃水田秋更熟比窓誰拂舊塵冠

卧疾

寒窓燈盡月斜輝珮馬朝天獨掩扉
清露已凋秦塞

柳白雲空長越山薇病中送客難為別夢裏還家不
當歸唯有寄書書未得卧聞燕鴈向南飛

晨起白雲樓寄龍興江準上人兼呈竇秀才

茲樓今是望鄉臺鄉信全稀曉鴈哀山翠萬重當檻
出水光千里抱城來東岩月在僧初定南浦花殘客
未回欲弔灵均能賦否秋風還有木蘭開

劉滄

咸陽懷古

經過此地無窮事一望凄然感廢興渭水故都秦二

世咸原秋草漢諸陵天空絕塞聞邊鴈葉盡孤峒見
夜燈風景蒼蒼多少恨寒山半出白雲層

鄴都懷古

昔時霸業何蕭索古木唯多鳥雀聲芳草自生宮殿
處牧童誰識帝王城殘春楊柳長川迴落日蕪葭遠
水平一望青山便惆悵西陵無主月空明

長洲懷古

野燒空原盡荻灰吳王此地有樓臺千年事往人何
在半夜月開潮自來白鳥影從江樹沒清猿聲入楚
雲哀停車日晚薦蘋藻風靜寒塘花正開

浙江晚渡懷古

蟬噪秋風浦古堤
荻花寒渡思凄凄
潮聲歸海鳥初下
草色連江人自迷
碧落晴分平楚外
青山晚出穆陵西
此來一見垂綸者
却憶舊居明月溪

經麻姑山

麻姑此地煉神丹
寂寞煙霞古竈殘
一自仙娥歸碧落
幾年春雨洗紅蘭
帆飛震澤秋江遠
雨過陵陽晚樹寒
山頂白雲千萬片
時聞鸞鶴下仙壇

江行書事

遠渚蕪葭覆綠苔
姑蘇南望思徘徊
空江獨樹楚山背
暮雨孤舟吳苑來
人度深秋風葉落
鳥飛殘照水煙開
寒潮欲上泛蘋藻
寄薦三閭情自哀

題龍門僧房

靜室遙臨伊水東
寂寥誰與此身同
禹門山色度寒磬
蕭寺竹聲來晚風
僧宿石龕殘雪在
鴈歸沙渚夕陽空
偶將心地問高士
坐指浮生一夢中

宿天壇觀

沐髮清齋宿洞宮
桂花松韻滿岩風
紫霞曉色秋山霽
碧落寒光夜月空
華表鶴聲天外迥
蓬萊仙界海門通
冥心一悞虛無理
寂寞玄珠象罔中

入關留別主人

此來多愧食魚心東閣將辭更一吟
疋馬客程秋草合萬蟬閑樹古槐深
風生古渡河聲急鴈過寒原岳勢侵
對酒相看自無語幾多離思入瑤琴

題馬太尉華山莊

別開池館背山陰近得幽奇物外心
竹色拂雲連岳寺泉聲帶雨出溪林
一庭楊柳春光莫三徑煙蘿晚翠深
自是功成閑劍履西齋長卧對瑤琴

題王校書山齋

猿鳥無聲書掩扉寒原隔水到人稀
雲晴古木月初

上雪滿空庭鶴未歸藥圃地連山色近
樵家路入樹煙微棲遲慣得滄浪思
雲閣還應夢釣磯

秋日山齋即事

衡門無事閑蒼苔籬下蕭疎野菊開
半夜秋風江色動滿山寒葉雨聲來
鴈飛關塞霜初落書寄鄉山客未迴
獨坐高窓此時節一彈瑤瑟自成哀

寓居寄友人

雨餘虛館竹陰清獨坐書窓軫旅情
芳草衡門無馬跡古槐深巷有蟬聲
夕陽雲盡嵩峯出遠岸煙銷洛水平
入夜南原賞佳景月高風定苦吟生

秋日山寺懷友人

蕭寺樓臺對夕陰
淡煙疎磬散空林
風生寒渚白蘋動
霜落秋山黃葉深
雲盡獨看晴塞鴈
月明遙聽遠村砧
相思不見又經歲
坐向松窓彈玉琴

送李休秀才歸潁中

南泛孤舟景自饒
蕪葭汀浦晚蕭蕭
秋風漢水旅愁起
寒木楚山歸思遙
獨夜猿聲和落葉
空江月色帶回潮
故園新過重陽節
黃菊滿籬應未凋

送元敘上人歸上黨

時罷兵

太行關路戰塵收
白日思鄉別沃洲
薄暮焚香臨野

燒清晨漱齒
涉寒流溪邊殘壘空
雲木山上孤城對
驛樓此去寂寥尋
舊跡蒼苔滿徑竹齋秋

和友人意洞庭舊居

客舍經時益苦吟
洞庭猶憶在前林
青山殘月有歸夢
碧落片雲生遠心
溪路煙開江月出
草堂門掩海濤深
因君話舊起愁思
隔水數聲何處砧

留別崔幹秀才昆仲

汶陽離思水無窮
去住情深夢寐中
歲晚虫鳴寒草露
日斜蟬噪古槐風
川分遠岳秋光靜
雲盡遙天霽色空
對酒不能傷此別
赤書憑鴈往來通

寄遠

西園楊柳暗驚秋
寶瑟朱絃結遠愁
霜落鴈聲來紫塞
月明入夢在青樓
蕙心迢遞湘雲暮
蘭思縈迴楚水流
錦字織成添別恨
關河萬里路悠悠

七言律詩卷之七

唐詩品彙八十八

七言律詩卷之八

唐詩品彙八十九

明新登高棟編集陽生校刻

餘響

杜牧

九日齊山登高

江涵秋影鴈初飛
與客携壺上翠微
塵世難逢開口笑
菊花須插滿頭歸
但將酩酊酬佳節
不用登臨怨落暉
古往今來只如此
牛山何必淚沾衣

寄題甘泉寺北軒

潤州

魯上蓬萊宮裏行
北軒闌檻寂留情
孤高堪弄桓伊

笛鏢取宜聞子晉笙天接海門秋水色煙籠隋苑暮
鍾聲他年會看荷衣去不向山僧道姓名

題宣州開元寺水閣

閣下苑溪
夾居人

六朝文物草連空天澹雲閑今古同鳥去鳥來山色
裏人謔人哭水聲中深秋簾幙千家雨落日樓臺一
笛風惆悵無因見范蠡參差煙樹五湖東

題青雲館

屬商
於

虬蟠千仞劇羊腸天府由來百二強四皓有芝輕漢
祖張儀無地與懷王帳連雲影蘿陰合枕繞泉聲客
夢涼深處會容高尚者水苗三頃百株桑

早鴈

金河秋半虜弦開雲際驚飛四散哀仙掌月明孤影
過長門燈暗數聲來須知胡騎紛紛在豈逐秋風一
一回莫厭瀟湘少人處水多菰米听莓苔

薛逢

送靈州田尚書

陰風獵獵滿旌竿白草颼颼劍戟攢九姓羗渾隨漢
節六州蕃落從戎鞍霜中入塞琯弓響月下翻營玉
帳寒今日路旁誰不指穰苴門戶慣登壇

趙嘏

長安晚秋

雲物淒涼拂曙流，漢家宮闕動高秋。
殘星幾點鴈橫塞，長笛一聲人倚樓。
杜紫微賞味不稱，為趙倚樓。紫艷半開籬菊
靜，紅衣落盡渚蓮愁。
鱸魚正美不歸去，空戴南冠學楚囚。

齊安早秋

流年堪惜又堪驚，砧杵風來滿郡城。
高鳥過時秋色動，征帆落處暮雲平。
思家正嘆江南景，聽角仍含塞北情。
此日沾襟念岐路，不知何處是前程。

東望

楚江橫在草堂前，楊柳洲邊載酒船。
兩見梨花歸不得，每逢寒食一潸然。
斜陽映閣山當寺，微綠含風樹滿天。
同郡故人攀桂盡，把詩吟向次臬天。

長安月夜與友人話故山

宅邊秋水浸苔磯，日日持竿去不歸。
楊柳風多潮未落，蒹葭霜在鴈初飛。
重嘶匹馬吟紅葉，却聽疎鍾憶翠微。
今夜秦城滿樓月，故人相見一沾衣。

題橫水驛雙峯院松

故園溪上雪中別，野館門前雲外逢。
白髮漸多何事苦，清陰長在好相容。
迎風幾拂朝天騎，帶月猶含度

唐詩八十九卷
嶺鍾更憶葛洪丹井畔數株臨水欲成龍

發剡中

武德中
置嵯州

正懷何謝俯長流更覽餘封識嵯州樹色老依官舍
晚溪聲涼傍客衣秋南岩氣爽橫郭郭天姥雲晴拂
寺樓日暮不堪還上馬蓼花風起路悠悠

登安陸西樓

樓上華筵日日開眼前人事祗堪哀征車自入紅塵
去遠水長穿綠樹來雲雨暗更歌舞伴山川不盡別
離杯無由併寫春風恨欲下鄖城首重回

九日陪越州元相燕龜山寺

佳晨何處泛花遊丞相筵開水上頭雙影旆搖山雨
霽一聲歌動寺雲秋林光靜帶高城晚湖色寒分半
檻流共賀萬家逢此節可憐風物似荊州

經漢武泉

芙蓉死裏起清秋漢武泉聲落御溝他日江山映蓬
鬢二年楊柳別漁舟竹間駐馬題詩去物外何人識
醉遊盡把歸心付紅葉晚來隨水向東流

李遠

聽話叢臺

有客新從趙地回自言曾上古叢臺雲遮襄國天邊

唐詩八十九卷
去樹繞漳河地裏來絃管變成山鳥呀綺羅留作野
花開金輿玉輦無行跡風雨惟知長綠苔

劉得仁

奉和翰林丁侍郎禁署早春晴望

御林聞有早鶯聲玉檻春香九陌晴寒著霄雲黯紫
閣暖浮佳氣動皇城宮池日到冰初解輦路風吹艸
欲生鴛侶此時皆賦咏商山雪在思尤清

姚鵠

送友人出塞

帝城春色著寒去恨離懷醉不開相別欲將何計

免此行應又隔年回入河殘日鵬西盡卷雪驚蓬馬
上來有莫忘清塞衆傳君負佐王才

送貴鍊師供奉赴上都

縮地周遊不計程古今應只有先生已同化鶴臨華
表又見驂龍向玉清蘿磴靜攀雲共過雪壇當醮月
孤明無日相逐朝天帝空羨煙霞得送迎

項斯

送宮人入道

願隨仙女董雙成王母前頭結伴行初戴玉冠多誤
拜欲辭金殿別稱名將敲碧落新齋磬却進昭陽舊

賜筆旦暮焚香遶壇上步虛猶作按訶聲

温庭筠

蘇武廟

蘇武覓銷漢史前古祠高樹兩茫然雲邊鴈斷胡天
月隴上羊歸塞草烟迴日樓臺非甲帳去時冠劍是
丁年茂陵不見封侯印空向秋波哭逝川

過馬嵬驛

穆滿曾為物外遊六龍經此暫淹留返覓無驗青煙
滅埋血空成碧草愁香輦却歸長樂殿曉鍾還下景
陽樓甘泉不復重相見誰道文成是故侯

回中作

莽莽雲空遠色愁鳴鳴戍角上高樓吳姬怨思吹雙
管燕客悲詞動五侯千里關山邊草暮一星烽火朔
雲秋夜來霜重西風起壠水無聲噎一作不流

休澣日謁西掖所知因成長句

赤墀高閣自從容玉女窓扉報曙鍾日麗九華青瑣
闥雨晴雙闕翠微峯毫端蕙露滋仙草琴上薰風入
禁松荀令鳳池春婉婉好將餘潤變魚龍

河中陪節度遊河亭

倚闌愁立獨徘徊欲賦慙非宋玉才蒲座山光搖劍

戟繞城波色動樓臺鳥飛天外斜陽盡人過橋邊倒影來添得五湖多少恨柳花飄蕩似寒梅

寄清涼寺僧

石路無塵竹徑開昔年曾伴戴顓來窓間半偈聞鍾後松下殘棋送客回簾向玉峯藏夜雪砌因藍水長秋苔白蓮社裏如相問爲說遊人是姓雷

開聖寺

路分礮石夾煙叢十里蕭蕭古樹風出寺馬嘶秋色裏向陵鴉亂夕陽中竹間泉落山厨靜塔下僧歸殿影空猶有南朝舊碑在耻將興廢問休公

過陳琳墓

曾於青史見遺文今日飄零過古墳詞客有靈應識我霸才無主始憐君石麟埋沒藏秋草銅雀荒涼對暮雲莫怪臨風倍惆悵欲將書劍學從軍

雍陶

晴詩

晚虹斜日塞天昏一半山川帶雨痕新水亂侵青草路殘煙猶傍綠楊村胡人羊馬休南牧漢將旌旗在北門行子喜聞無戰伐閑看遊騎獵秋原

司馬禮

送孔恂入洛

洛陽古城秋色多
送君此去心如何
青山欲暮惜別
淚碧草未盡
復離譟前朝
冠帶掩金谷
舊遊花月經
銅駝行人正苦
柰分手日落
遠水生微波

李頻

樂遊原春望

五陵佳氣晚氤氳
霸業雄圖勢自分
秦地山河連紫
楚一作塞漢家宮殿入青雲
未央樹色春中見
長樂鐘聲月下聞
無那楊花起
愁思滿天飄
落雪紛紛

湘中送友人

中流欲暮見湘煙
岸葦無窮接楚天
去鴈遠衝雲夢
雪離人獨上洞庭
船風波盡日依山
轉星漢通霄向
水縣一作連一作零落梅花過殘
臈故園歸去又新年

送邊將

防秋戎馬恐來奔
詔發將軍出鴈門
遙領短兵登隴
首獨橫長劍向河源
旌旗落日黃雲動
鼓角陰風白
草翻若使干戈更
深入應聞收得到
昆崙

杜荀鶴

舟行即事

年少髭鬚雪欲侵
別家三日幾多心
朝隨賈客憂風

唐詩八十九卷
色夜逐漁翁宿葦林秋水鷺飛紅蓼晚暮山猿叫白
雲深重陽酒熟茱萸紫却向江頭倚棹吟

李郢

贈羽林將軍

虬鬚憔悴羽林郎曾入甘泉侍武皇
鷗沒夜雲知御苑馬隨仙仗識天香
五湖歸去孤舟月六國平來兩鬢霜
唯有桓伊江上笛卧吹三弄送殘陽

送人之嶺南

關山迢遞古交州歲晏憐君走馬遊
謝氏海邊逢素女越王潭上見青牛
嵩臺月照啼猿曙石室煙含古

桂秋迴望長安五千里刺桐花下莫淹留

晚泊松江驛

片帆孤客晚夷猶紅蓼花前水驛秋
歲月方驚離別盡煙波仍駐古今愁
雲陰故國山川暮潮落空江網罟收
還有吳娃舊詞曲棹聲遙散采菱舟

江亭春霽

江離漠漠荇田田江上雲亭霽景鮮
蜀客帆檣背歸燕楚山花木怨啼鶻
春風掩映千門柳曉色淒涼萬井煙
金磬泠泠水南寺上方僧室翠微連

早秋書懷

唐詩八十九卷
九
高梧一葉墜涼天宋玉悲秋淚洒然霜拂楚山頻見
菊雨零溪樹忽無蟬虛村暮角催殘日近寺歸僧寄
野泉青髮已綠多病鑷可堪風景促流年

李群玉

黃陵廟

小姑洲北浦雲邊二女明粧共儼然野廟向江春寂
寂古碑無字草芊芊東風近墓吹芳芷落日深山哭
杜鵑猶似含顰望巡符九疑如黛隔湘川

送秦鍊師歸岑公山

紫泥飛詔下金鑿列象分明世仰觀北省諫書藏舊
草南宮詔署握新蘭春歸鳳沼恩波暖曉入鴛行瑞
氣寒偏是此生棲息者滿衣零淚一時乾

張喬

河中鸛雀樓

高樓懷古動悲訶鸛雀今無野雀過樹隔五陵秋色
早水連三晉夕陽多漁人遺火成寒煖牧笛吹風起
夜波十載重來值搖落天涯歸計欲如何

唐彥謙

長陵

長陵高闕此安劉附苑纍纍盡列侯豐上舊居無故

里沛中原廟對荒丘耳聞明主提三尺眼見愚民盜
一坏千載腐儒騎瘦馬渭城斜日重回頭

蒲泮河亭

宿雨清秋零景微廣亭高樹向晨興烟橫博望乘槎
水日上文玉避雨陵孤棹夷猶期獨往曲闌愁絕每
長凭思鄉懷古多傷別况此哀吟意不勝

秋霽豐德寺與玄貞師咏月

露冷風輕霄靄圓高樓更在碧山巔四溟水合疑無
地八月槎通好上天黯黯星辰環紫極喧喧朝市匝
蒼烟夜深獨與岩僧語群動消聲舉世眠

羅隱

送鄭巖真外

欲將刀筆潤王猷東去先分聖主憂蒲扇好風搖鄭
圃一車甘雨別皇州尚書磧冷鴻聲晚僕射陂寒樹
影秋從此文星在何處武牢關外庾公樓

春日憶湖南舊遊寄盧校書

旅榜前年過洞庭曾提刀筆事甘寧玳筵離隔將軍
幕珠履頻窺處士星恩重匣中孤劍在夢餘江上數
峰青金貂見鵬嘉賓散迴首昭丘一淚零

金陵夜泊

唐詩卷之九
冷煙輕靄傍衰叢此日秦淮駐斷蓬
棲鳥遠驚行夜火乳鴉高避落帆風
地消王氣波聲急山帶秋陰樹影空
六代精靈人不見懷思應在月明中

羅鄴

秋日懷江上友人

行子寧知煙水勞西風獨自泛征艘
酒醒孤館秋簾卷月滿寒江夜笛高
黃葉夢餘歸朔塞青山家在極波濤
去年今日逢君處鴈下蘆花猿正號

征人

青樓一別戍金微力盡秋來破虜圍
錦字莫辭連夜織塞鴻長是到春歸
正憐漢月當空照不柰胡沙滿眼飛
唯有夢覓南去日故鄉山水路依稀

秋日留別義初上人

塞寺窮秋別遠師西風一鴈倍傷悲
每嗟塵世長多事重到禪齋是幾時
霜嶺自添紅葉恨月溪休和碧雲詞
關河迴首便千里飛錫南歸詎可知

高駢

和王昭符進士贈洞庭趙先生

為愛君山景最靈角冠秋禮一壇星
藥將雞犬雲間試琴許魚龍月下聽
自要乘風隨羽客誰同種玉驗

仙經煙霞寂寞無人到唯有漁翁過洞庭

方干

題睦州呂郎中郡內環溪亭

為是仙才登望處風光便似武陵春
閑花半落猶迷蝶白鳥雙飛不避人
樹影興餘侵枕簟荷香坐久着
衣巾暫來此地非多日明主那容借寇恂

旅次洋州寓居郝氏林亭

舉目縱然非我有思量似在故山時
鶴盤遠勢投孤嶼蟬曳殘聲過別枝
涼月照窓欹枕倦澄泉遶石泛
觴遲青雲未得平行夢到江頭
旅羈

龍泉寺絕頂

未明先見海底日良久遠雞才報晨
古樹含風常帶雨寒巖四月始知春
中天氣爽星河近下界時豐雷
雨均前後登臨思無盡年年改換往來人

來鵬

寒食

獨把一杯山館中每驚時節恨飄蓬
侵階草色連朝雨滿地梨花昨夜風
蜀鬼啼來春寂寞楚鬼吟去月
朦朧分明記得還家夢徐孺宅前湖水東

七言律詩卷之八

唐詩品彙八十九

七言律詩卷之九

唐詩品彙九十

明新豐高棟編集陽年斗校刻

餘響

崔魯

春曉岳陽言懷

煙花零落過清明
異國光陰老客情
雲夢夕陽愁裏
色洞庭春浪坐來
聲天涯一與舊山
別江上幾看芳
草生獨倚闌干
意難寫暮笳鳴咽
起孤城

崔塗

過繡嶺宮岷驪

唐詩九卷
古殿春殘綠野陰上皇曾此駐泥金三城帳屬昇平
夢一曲鈴闕悵望心苑路暗迷香輦絕繚垣秋斷草
煙深前朝舊物東流在猶為年年下翠岑

鄭谷

鵝鵠谷以此詩得名
時號為鄭鵝鵠

暖戲平燕錦翼齊品流應得近山雞雨昏青草湖邊
過花落黃陵廟裏啼遊子乍聞征袖濕佳人纔唱翠
眉低相呼相喚湘江曲苦竹叢深春日西

少華甘露寺

石門蘿逕與天隣雨檜風篁遠近聞飲澗鹿喧雙泖

水上樓僧踏一梯雲孤煙暮薄闕城沒遠色初晴渭
曲分長欲燃燈來此宿北林猿鶴舊同群

渚宮亂後作

鄉人來話亂離情淚滿殘陽問楚荆白社已應無故
老清江依舊遶孤城高秋軍旅齊山樹昔日漁家盡
野營牢落故園征戰後黃花綠萼上墻生

韓偓

避地寒食

避地淹留已自悲况逢寒食欲沾衣殘春孤館人愁
坐斜日空園花亂飛路遠漸憂知己少時危又與賞

唐詩九卷
心違一名所繫無窮事爭敢當年便息機

春盡

惜春連日醉昏昏醒後衣裳見酒痕細水浮花歸別
澗斷雲含雨入孤村人閑易得芳時恨地迥難招自
古竟慚愧流鶯相厚意清晨猶為到西園

胡曾

交河塞下曲

交河水薄日遲遲漢將思家感別離塞北草生蘇武
泣隴西雲起李陵悲曉侵碑堦鳥先覺春入關山鴈
獨知何處疲兵心最苦夕陽樓上笛聲時

曹松

南海旅次

憶歸休上越王臺歸思臨高不易裁為客正當無鴈
處故園誰道有書來城頭早角吹霜盡郭外殘潮帶
月迴心似百花開未得年年爭發被春催

陪湖南李中丞璋宴隱溪

竹林啼鳥不知休羅列飛橋水亂流觸散柳絲迴玉
勒約開蓮葉上蘭舟酒邊舊侶真何遜雲裏新聲是
莫愁若值主人嫌晝短應陪秉燭夜深遊

江西逢僧省文

高僧不負雪峰期却伴青霞入翠微七葉集作百葉岩前
霜欲降九枝松上鶴初歸風生碧澗魚龍躍威振金
樓燕雀飛想得白蓮花上月蒲山猶帶舊光輝

吳融

太保中書令軍前新樓

十二闌干壓錦城半空人語落難聲風流近接平津
閣氣色高含細柳營盡日卷簾江草綠有時欹枕雪
峰晴不知奉詔朝天後誰此登臨看月明

秋日經別墅

別墅蕭條海上村偶期蘭菊與琴尊檐橫碧嶂秋光

近細帶寒潮晚色曛幸有白雲眠楚客不勞芳草思
王孫北山移去前文在無復教人嘆曉猿

金橋感事洛陽

太行和雪疊晴空二月郊原尚朔風飲馬早聞臨渭
北射鵰今欲過關東百年徒有伊川嘆五利寧無魏
絳功日暮長亭政愁絕悲筵一曲戍煙中

彭門用兵後經汴路

即徐州也咸通未龐
勛友徐州為康承訓

破所

長亭一望一徘徊千里関河百戰來細柳舊營猶鎖
月祁連新塚已封苔霜飛綠野愁無際燒接黃雲慘

唐詩九卷
不開若比江南更牢落子山詞賦莫興衰

廢宅

風飄碧瓦雨摧垣却有隣人為鎖門
幾樹好花閑白晝蒲庭芳草易黃昏
放魚池涸蛙爭鬧棲燕梁空雀自喧
不獨淒涼眼前事咸陽一火便成原

韋莊

北原閒眺

春城回首樹重重立馬平原夕照中
五鳳灰殘金翠滅六龍遊去市朝空
千年王氣浮清洛萬古坤靈鎮碧嵩
欲問向來陵谷寺野桃無語笑東風

寄從兄遵

江上秋風正釣鱸九重天子夢翹車
不將高卧邀劉圭自吐清談護漢儲
滄海十年龍影斷碧雲千里鴈行疎
相逢莫語歸山計明日東封待直廬

贈邊將

昔因征達向金微馬出榆關一鳥飛
萬里只攜孤劍去十年空逐塞鴻歸
手招都護新降虜身著文皇舊賜衣
只待煙塵報天子滿頭霜雪為兵機

新正日商南道中作寄李明府

相看又見歲華新依舊楊朱拭淚巾
踏雪偶因尋戴

客論文還比聚星人嵩山不改千年色洛水長生一
路塵今日與君同避世却憐無事是家貧

柳谷道中作却寄

馬前紅葉正紛紛馬上離情欲斷覓曉發獨辭殘月
店莫程遙宿隔雲林心如岳色留秦地夢逐河聲出
萬門莫怪苦吟鞭拂地有誰傾蓋待王孫

嫠女屏居蒙右省王拾遺枉車降訪病中

延欸不得因成寄謝

三年流落卧漳濱王粲思家拭淚頻寒角莫吹殘月
夜病心方憶故園春自為江上樵蘇客不識天邊侍

從臣怪得白鷗驚去盡綠蘿門外有朱輪

憶昔

昔年曾向五陵遊午夜清詞月滿樓銀燭樹前長似
晝露飛花下不知秋西園公子名無忌南國佳人字
莫愁今日亂離俱是夢夕陽唯見水東流

張泌

題華嚴寺木塔

六街晴色動秋光雨霽憑高只自傷一曲晚煙浮渭
水半橋斜日照咸陽休將世路悲塵事莫指雲山認
故鄉回首漢宮樓閣莫數聲鍾鼓自微茫

邊上

戍樓吹角起征鴻獵獵寒旌背晚風千里暮煙愁不
盡一川秋草思無窮山河慘淡閉城閉人物蕭條市
井空只此旅寬招不得更堪回首夕陽中

晚次湘源縣

煙郭遙聞向晚雞水平舟靜浪聲齊高林帶雨楊梅
熟曲岫籠雲謝豹啼二女廟荒汀樹老九疑山碧楚
天低湘南自古多離怨莫動哀吟易慘悽

晚秋過洞庭

征帆高掛酒初酣暮景離情兩不堪千里晚霞雲夢

北一州霜橘洞庭南溪風送雨過秋寺磻石驚泉落
夜潭莫把鞵寬吊湘鬼九疑愁絕鎖煙嵐

康匡圖

九日陪董內召登高

祝融峰下逢嘉節相對那能不愴神煙裏共尋幽磻
菊樽前俱是異鄉人遙山帶日應連越孤鴈來時想
別秦自古登高盡惆悵茱萸休笑淚盈巾

傍流

有姓氏無字里世次可考者六人

盧宗回

登長安慈恩寺塔

東方曉日上翔鸞西轉蒼龍拂露盤渭水寒光搖藻井玉峰晴色上朱闌九重宮闕參差見百二山河表裏觀暫輟去蓬悲不定一凭金界望長安

許孜

題鴈塔

寶輪金地壓人寰獨坐蒼冥啓玉關北嶺風煙開魏闕南軒氣象鎖商山灞陵車馬垂楊裏京國城池落照間暫放塵心遊物外六街鍾鼓又催還

蘇廣文

夜歸華山因寄懷府

山村寥落野人稀竹裏衡門掩翠微溪渡夜隨明月入亭臯春伴白雲飛一作歸嵇康懶慢仍耽酒范蠡逋逃又拂衣汀伴數鷗閑不起只應知我已忘機

陳標

飲馬長城窟

日日風吹虜騎塵年年飲馬漢宮人千堆戰骨那知主萬里枯沙不辨春一作谷氣寒愁墜指斷崖冰滑恐傷神金鞍玉勒無顏色淚滿征衣怨暴秦

秦王卷衣

秦家漢闕靄春煙珠樹瓊枝近碧天御氣馨香蘇合
啓簾光浮動水精懸霏微羅縠隨芳袖宛轉鮫綉逐
寶筵從此咸陽一回首暮雲愁色已千年

譚用之

秋宿湘江遇雨

江上陰雲鎖夢魂江邊深夜舞鎗琨秋風萬里芙蓉
國暮雨千家薜荔村鄉思不堪悲橘柚旅遊誰肯重
王孫漁人相見不相問長笛一聲歸島門

胡宿

津亭

津亭欲闕門謂津門飛棠舟五兩風來不暫留西北浮雲
連魏闕東南初日滿秦樓層城渺渺人傷別芳草事
凄客倦遊平樂舊歡收不得更憑飛夢到瀛洲

古別

長道何年禮輶休風帆不斷岳陽樓佳人挾瑟漳何
曉壯士悲謠易水秋九帳清油徒自負百壺芳醕豈
消憂至今長樂坡前水不啻秦人怨隴頭

塞上

漢家神箭定天山煙火相望萬里間契利請盟金七
酒將軍歸卧玉門闕雲沉老上單于妖氛斷雪照回

唐詩九卷
中地探騎閑五飾已行王道勝絕無刁斗至闐顏

寄昭潭王中立

高絃一弄武陵深六幘天空萬里心吳苑訶驪成久
別楚峰回鴈好豔音十千美酒花期隔三百枯棋奕
思沉博奕論枯棋三百莫上孤城頻送目浮雲西北是家林

韓喜

水

方圓不定性空求東注滄溟早晚休高截碧塘長敢
耿遠飛青嶂更悠悠清湘月浸千年色夢澤烟含萬
古愁別有隴頭嗚咽處為君分作斷腸流

姓氏疑誤有二人

僧處一

題黃公陶翰別業

文苑英華作處一詩元遺山鼓吹集作蘇廣文

自商山宿隆
令隱居詩

聞說花園堪避秦幽尋數月不逢人煙霞洞裏無雞
犬風雨林間有鬼神黃公石上三芝秀陶令門前五
柳春醉卧白雲閑入夢不知何物是吾身

郎士元

馮翊西樓

或作郎士元詩按
文苑英華無名氏

城上西樓倚暮天樓中歸望正凄然近郭亂山橫古

渡野莊喬木帶新煙北風吹鴈聲能苦遠客辭家月
再圓陶令好文常對酒相招

一和白

羽士一人曹唐

三年冬大禮

皇帝齋心潔素誠自朝真祖報升平華山秋草多歸
馬滄海寒波絕洗兵銀箭水殘河影斷玉爐烟盡月
華生千官整肅三天夜劍珮初聞入太清

其二

海日西飛渡禁林太清宮殿月沉沉不聞北斗傾堯
酒空覺南薰入舜琴調厭鈞天間夢盡詔歸秋水道

情深雪風更起古杉葉時送步虛清磬音

其三

太乙天壇降大君屬車龍鶴夜成群春浮玉藻寒初
落露拂金莖曙欲分三代樂回風入律四溟歌駐水
成文千官不動旌旗下日照南山萬樹雲

其四

山擁飛雲海水清天壇未夕仗先成千官不起金滕
議萬國空瞻玉藻聲禁火曙然香焰裊宮衣寒拂雪
花輕側聞左右皆周呂看取從容致太平

漢武帝時候西王母下降

崑崙疑想最高峯
王母求尋五色龍
訝聽紫鷺猶縹緲
語來青鳥許從容
風迴水落三清月
漏苦霜傳五夜鍾
樹影花悄悄若聞
簫管是行蹤

漢武帝於宮中燕西王母

鰲岫雲低太一壇
武皇齋潔不勝歡
長生碧宇期親署
延壽丹泉許細看
劍佩有聲宮樹靜
星河無影禁花寒
秋風裊裊月朗朗
玉女清詞一夜闌

漢武帝思李夫人

惆悵朱顏不復歸
晚秋黃葉滿天飛
迎風細行傳香粉
隔水殘霞見畫衣
白玉帳寒鴛鴦夢
絕紫陽宮遠鴈

書稀夜深池上蘭
撓歇斷續詞聲接
太微

仙子洞中有懷劉阮

不將清瑟理霓裳
塵夢那知鶴夢長
洞裏有天春寂寂
人間無路月茫茫
玉沙瑤草連溪碧
流水桃花滿澗香
曉露風燈易零落
此生無處問劉郎

劉阮再到天台不復見仙子

再到天台訪玉真
青苔白石已成塵
笙詞寂寞閑深洞
雲鶴簫條絕舊隣
草樹總非前度色
煙霞不似往年春
桃花流水依然在
不見當時勸酒人

萼綠華將躋九疑留別許真人

九點秋煙黛色空綠華歸思頗無窮每悲騷鶴身難
住長恨臨霞語未終河影暗吹雲夢月花聲閑落洞
庭風藍絲重勒金條脫留與人間許侍中

送劉尊師祗詔闕庭

海風葉葉駕霓旌天路悠悠接上清錦誥淒涼遺去
恨玉簫哀絕醉離情五湖夜月幡幢濕雙闕清風劍
佩輕莫道暫辭華表柱便應千載是歸程

衲子七人

皎然

送皇甫侍御曾還丹陽別業

雲陽夜別憶春畊花發黃湖問去程積水悠悠揚何處
夢亂山稠疊此時晴將離有月教絃斷贈送無蘭覺
意輕朝右要君持漢典明年北墅可須營

題周諫別業

與周生所
居臨若水

隱身茗上欲如何不著青袍愛綠蘿柳巷任踈容馬
入水籬從破許船過昂藏獨鶴閑心遠寂歷秋花野
意多若訪禪齋遙可見竹窓書幌共煙波

白蘋洲送洛陽李丞使還

蘋洲北望楚山重千里迴輶止一封臨水情來還共
載看花醉去更相從罷官風渚何特別寄隱雲陽幾

處逢後會那應似疇昔年年覺老雪山容

春日杼山寄贈李員外

南山唯與北山隣一閉禪關老此身黃鶴有心多不
住白雲何事獨相親閑持竹錫行看水懶繫麻衣出
見人無限幽芳徒欲寄郎官那賞石門春

山居示靈徹上人

晴明路出山初暖行踏春蕪看茗歸乍削柳枝聊待
札時窺雲影學裁衣身閑始覺隨名是心了方知苦
行非物外寂中誰似我松聲草色共忘機

晚春尋杳源觀

以何處訪仙鄉古觀雲根路已荒細草擁壇人跡
絕落花沉澗水流香山深有雨寒猶在松老無風韻
亦長全覺此身離俗境玄機亦可照迷方

靈一

題東蘭若

上人禪室路徘徊萬木清陰向日開寒竹影侵行道
石天花香散誦經臺閑雲不繫從舒卷狎鳥無機任
往來更惜片陽談妙理歸時莫待暝鍾催

送明素上人歸楚覲省

能將踈懶背時人不厭孤萍任此身江上昔年同出

處天涯今日共風塵平湖舊隱應殘雪芳草歸心未
隔春前路倍隣多勝事到家知慶采衣新

江行寄張舍人

客程終日風塵苦蓬轉還家未有期林色曉分殘雪
後角聲寒奏落帆時月高星使看遠雲破霜鴻欲
度遲流蕩此心難共說千峯澄霽隔瓊枝

靈徹

冬送鑒供奉歸蜀寧親

林間出定戀庭闈聖主恩深慙許歸雙樹欲辭金錫
冷四花猶向玉堦飛梁山拂漢分清境蜀雪和煙

翠微此去不須求彩服紫

清江

喜嚴侍御蜀還贈嚴秘書

往年分首出咸秦木落花開秋又春江客不曾知蜀
路旅魂何處訪情人當時望月思文友今日迎驄見
近臣多羨二龍同漢代綉衣芸閣共榮親

贈淮西賈兵馬使

破虜功成百戰場天書新拜漢中郎映門旌旆春風
起對客絃誦白日長堦下鬪雞花乍發營南試馬枅
初黃由來吳楚多同調感激逢君共異鄉

登樓望月寄鳳翔李少尹

陌上涼風槐葉凋夕陽清露濕寒條登樓望月楚山
上月到樓南山獨遙心送秦人超鳳闕自隨陽鴈極
煙霄軒車不重無名客此地誰能訪寂寥

法振

張舍人南溪別業

新田繞屋半春畊藜杖閑門引客行山翠自成微雨
色溪花不隱亂泉聲漁家遣到堪留興公府懸知欲
厭名入夜更宜明月滿雙童喚出解吹笙

聖恩願問獨遊月鏡閣直書應制

禪居河畔無多地來往尋春物正華磴道上盤千畝
竹闌干低數萬人家簷前施食來飛鳥林下行香踏
落花自解刹那知佛性不勞更喻幾塵沙

曇域

懷齊已上人

鬢髯秋景兩蒼蒼靜對芳齋一炷香病後身心俱寂
寞老來親友半凋傷蛾眉山色侵雲直巫峽灘聲入
夢長猶喜深交有支遁時時音信到松房

閨秀一人

鮑君微

東亭茶燕

閑朝向曉出簾櫳茗燕東亭四望通遠眺城池山色
裏俯聆絃管水聲中幽篁引沼新抽翠芳槿低簷欲
吐紅坐久此中無限興更憐團扇起清風

排律

七言排律唐人不多見如太白別山僧高
適宿田家等作雖聯對精密而律調未純
終是古詩體段獨此四篇言從字順音
響冲和故錄之附于卷末以備一體

崔融

從軍行

穹廬雜種亂金方武將神兵下玉堂天子旌旂過細

林匈奴運數盡枯楊關頭落月橫西塞下疑雲斷
北荒漠漠邊塵飛衆鳥昏昏朔氣聚羣羊依稀蜀杖
迷新竹髣髴胡牀識故桑臨海舊來聞驃騎尋河本
自有中郎坐看戰壁爲平土近待軍營作破羌

僧清江

月夜有懷王端公兼簡朱孫二判官

月照疎林驚鵲飛羈人此夜共無依青門旅寓身空
老白首頭陀力慚微屢向曲也陪逸少幾迴戎幙接
玄暉四科弟子稱文學五馬諸侯是綉衣江鷹往來
曾不定野雲搖曳本無機修行未盡身將盡欲向東

山掩舊扉

王建

送裴相公上大原

還携堂印向并州將相兼權是武侯時難獨當天
下事功成却進手中籌再三陳乞爐煙裏前後分張玉
案頭朱架早朝排立戟綠槐殘雨看張油遙知廩塞
從今好直到漁陽以北愁邊鋪恐巡旂盡換山城欲
過館重修千群白刃兵迎節十對紅妝妓打球聖主
分明教暫去不須高起見京樓

温庭筠

秘書省有賀監知章草題詩筆力遵健風
尚高遠拂塵尋玩因有此作

越溪漁客賀知章任達憐才愛酒狂鷗鷺葦花隨釣
艇蛤蜊菰葉夢橫塘幾年涼月拘華省一宿秋風憶
故鄉榮路脫身終自得福庭回首莫相忘出籠鷺鶴
歸遼海落筆龍蛇滿壞墻李白死來無醉客可憐神
彩弔殘陽

七言律詩卷之九

唐詩品彙九十





